

## ერთიანი საქართველოს სიბოლო კურთხევა



3

## ამერიკის საელჩოს უსაფრთხოება ცვალებად ახლო აღმოსავლეთში

ანტიდასავლური პროტესტი ისლამურ ქვეყნებში სულ უფრო ფართო მასშტაბებს იღებს. სუდანში გერმანიისა და დიდი ბრიტანეთის საელჩოებზე თავდასხმისა და დაწვის შემდეგ დღის წესრიგში ელჩების სამშობლოში განწვევის საკითხი დადგა. თუმცა პირველი, ვინც თავისი დიპლომატიური კორპუსისა და მათ ოჯახების უკან დაბრუნება დაიწყო, ამერიკის შეერთებული შტატებია. ოფიციალურმა ვაშინგტონმა თავისი დიპლომატიის ევაკუაცია სუდანისა და ტუნისიდან უკვე დაიწყო.



გაზრდილია მკ-5 გვერდზე

## "ISAF-ის მისიანი მონაწილეობა აქლიარებს მკ-5 გვერდს, რაც ნიშნავს, რომ მკ-5 ვაქლიარებთ მკ-5 კვირის თავდაცვას და უსაფრთხოებას"

2012 წლის შემოდგომაზე ავღანეთის სამშვიდობო მისიაში მონაწილეობის მისაღებად საქართველოს შეიარაღებული ძალების 32-ე და 12-ე მსუბუქი ქვეითი ბატალიონები გაემგზავრებიან. ჰელმანდის პროვინციაში ქართველი სამშვიდობოები ამერიკული კონტინგენტის შემადგენლობაში ISAF-ის (საერთაშორისო უსაფრთხოების უზრუნველყოფის ძალები) ოპერაციაში მონაწილეობას მიიღებენ.



გაზრდილია მკ-2 გვერდზე

## სატელევიზიო კარის თამაში

"ემის" გამარჯვებულებს ერთ კვირაში დაასახელებენ

ნა ვიკა

გუშინ ბოლო წლების ერთ-ერთი ყველაზე ძვირადღირებული და პოპულარული ტელეპროექტის, "მინისქვეშა იმპერიის" მესამე სეზონის პირველი სერიის ჩვენება შედგა. "იმპერიის" ახალი სერიები ჩვენს ინტერნეტსივრცეში რამდენიმე დღეში გამოჩნდება და სწორედ მაშინ გავიგებთ, როგორ გაგრძელდა ნაკი ტომპსონის განგაშტერული ცხოვრება, ზუსტად ერთ კვირაში კი გვეცოდინება, შეძლებს თუ არა ეს ტელეპროდუქტი "ემის" ნომინაციაში გამარჯვებას და საკმაოდ წონიანი მონიწიანობების უკან ჩამოტოვებას.



გაზრდილია მკ-9 გვერდზე

1 აშშ დოლარი	1.6472
1 ევრო	2.1583
1 ინგლისური გირვანკა	2.6742
1 თურქული ლირა	0.9183
100 რუსული რუბლი	5.3449

  

თბილისი	28°C - 18°C
ქუთაისი	34°C - 18°C
თელავი	29°C - 14°C
ზუგდიდი	32°C - 14°C
ბათუმი	29°C - 18°C

  

ნავთობი	3.25	+0.03	+1.04%
გაზი	2.94	-0.09	-3.16%
ოქრო	1,773.30	+1.20	+0.07%
ხორბალი	924.25	+22.25	+2.41%

## ჩემპიონთა "ლიგამუსი"

ალექსანდრე ასათიანი

"ლიგამუსი" ჩემპიონთა ლიგის ძირითად ამბებში ჩაჯდა. საინტერესო გუნდი საინტერესო ტურნირში ათ თამაშში გაიტესტება. საქართველო ჩემპიონთა ლიგის ფორმატში ნორმალური გუნდით შევიდა და იდეაში, რაღაც დონემდე უნდა გაეაჩოს. "ლიგამუსი" თბილისში ფავორიტი არ იყო და ფავორიტით გაისეირნა. ესპანეთიდან ლენ ტროფის ფინალისტი, "საბადელი" ჩამოვიდა. ლიდერების გარეშე, ცოტა სხვა ხალხით ჩამოვიდა და "ლიგამუსმა" ესპანური პრობლემა მოაგვარა. საქართველოს საუკეთესო გუნდი ევროპის საუკეთესო ტურნირში აზრზე უნდა მოვიდეს. თბილისში, ბოლო ორ გასაუბრებაში, რეზო ჩომახიძემ ორი ბონუსი დასვა.

გაზრდილია მკ-None გვერდზე



"ლიგამუსის" ლიდერი გალაქტონ ლაითაძე

"24 საათის" ელექტრონული ვერსია იხილეთ Web-გვერდზე [www.24saati.ge](http://www.24saati.ge)  
ჩვენი პარტნიორები:

ISSN 1987 9121  
9 771987 912100

### საქარო სკოლებში სწავლა იწყება

საქართველოს საჯარო სკოლებსა და ძირითად უმაღლეს სასწავლებლებში დღეიდან ახალი სასწავლო წელი იწყება. განათლების სამინისტროს ინფორმაციით, 2012-2013 წლის სასწავლო სეზონი 2082 საჯარო სკოლაში დაიწყო.

დღესვე მინისტრი ხატია დეკანოიძე სასწავლო წლის დაწყებასთან დაკავშირებით კახეთში, სიღნაღის მუნიციპალიტეტის სოფელ ერისიძედისა და საგარეჯოს მუნიციპალიტეტის სოფელ შიბლიანის ახლად გახსნილ სკოლებს ესტუმრება.

წლებიდან სასწავლო წელი ორსემესტრიანია. მოსწავლეები იანვარსა და აპრილში დაიწყებენ. I და XII კლასელები სწავლას - მაისში, ხოლო დანარჩენი კლასების მოსწავლეები ივნისის შუა რიცხვებში დასრულებენ. ამასთან, განათლების სამინისტროს ინფორმაციით, ახალი სასწავლო წლისთვის სარეაბილიტაციო სამუშაო წელს 527 საჯარო სკოლაში განხორციელდა. გაიხსნება ახალი სკოლები კახეთში, სამეგრელოსა და გურიაში.

დღესვე 140 ათასი მოსწავლე, პირველიდან მე-12 კლასის ჩათვლით, სახელმწიფოსაგან საუქრედო სასკოლო სახელმძღვანელოებს მიიღებს. სახელმძღვანელოები გადაეცემთ სოციალურად დაუცველი ოჯახების წევრებს; იმ ოჯახების მოსწავლეებს, რომლებშიც ერთდროულად სამი ან მეტი და-ძმა სწავლობს სკოლაში; 2008 წლის აგვისტოს ომში დაღუპული მეომრების. ყველა საჯარო სკოლის პირველკლასელს სკოლაში ნებთუქი დახვდება.

წელს პირველად, სასკოლო სახელმძღვანელოები საქართველოს მასშტაბით 400 სკოლაში გაიშვება. სკოლებში სახელმძღვანელოები ისე გადანაწილდება, რომ წიგნების შექმნას მომზადება სკოლების მოსწავლეებიც შეძლებენ. ამ ობიექტებზე სახელმძღვანელოს მაქსიმალური ფასი 10 ლარი იქნება.

### ივანიშვილი: "ძალიან დიდი ალბათობით, ქუჩაში გამოსვლა არ დაგვჭირდება"

"ვფიქრობ, რომ ქუჩა არ დაგვჭირდება", - ამის შესახებ კოალიცია "ქართული ოცნების" ლიდერმა გუშინ განაცხადა.

ბიძინა ივანიშვილის განმარტებით, არჩევნებზე უპრეცედენტო რაოდენობის დამკვირვებლები ჩამოვიდა, რაც იმას ნიშნავს, რომ "ვერაინ ვერაფერს მოახერხებს".

"არავითარი გაყალბება არ მოხდება და ძალიან დიდი ალბათობით, არც ქუჩაში გამოსვლა დაგვჭირდება. საერთაშორისო დამკვირვებლები უხეშ დარღვევებზე თვალს არ დახუჭავენ და არ მოხდება უხეში დარღვევების გაფორმება. შესაბამისად, ყველაფერი კარგად არის. სააკაშვილს არავინ აპატიებს იმ უხეშ დარღვევებს, რასაც აპირებს. საერთაშორისო დამკვირვებლები და საერთაშორისო საზოგადოება ამაზე ხელს არ მოუწერს", - განაცხადა ივანიშვილმა.

რაც შეეხება ქუჩას, "ქართული ოცნების" ლიდერის განმარტებით, ეს შეიძლება იყოს "ერთსაათიანი გამოსვლა." "არც ერთ შემთხვევაში, როგორც არ უნდა განვითარდეს მოვლენები, დაპირისპირება არ იქნება. არც ერთი მოქალაქე ჩვენი მხრიდან არ დაზარალდება", - აღნიშნა ივანიშვილმა.

კოალიციის ლიდერმა ასევე უარყო გავრცელებული ინფორმაცია, თითქმის მის გუნდსა და ხელისუფლებას შორის პარლამენტში ადგილების გადანაწილებასთან დაკავშირებით რაიმე შეთანხმება არსებობს.

"ინფორმაცია, რომ ჩვენ პარლამენტში ადგილებზე შეთანხმებული ვართ, სიცრუეა, რადგან ხალხს არ უვალაბა ტექ არასდროს. ამ ინფორმაციას ავრცელებენ მათი სიცრუის მანქანები, რათა ხალხი არჩევნებზე არ მივიდეს, რადგან ყველაფერი კარგად შეთანხმებულია. როგორ შეიძლება, სააკაშვილს მაცი მოელაპარაკოს და მას დაუჯეროს და ენდოს ხალხის ხმების და ნების საფასურად?! არავითარი 60/40-ზე და არავითარი შეთანხმება არ ყოფილა", - აღნიშნა ბიძინა ივანიშვილმა.

### გიგი უკულავა: "მთავარია, წინსვლა და განვითარება არ გავაჩეროთ"

"არასდროს უნდა დაგვაინწყდეს, რომ ჩვენ გვირჩევს ხალხი, ვემსახურებოთ მხოლოდ ხალხს და სხვა არაფერს", - ამის შესახებ დედაქალაქის მერმა, "ერთიანი ნაციონალური მოძრაობის" საქალაქო ორგანიზაციის თავმჯდომარე გიგი უკულავამ გუშინ სანზონში მოსახლეობასთან გამართულ შეხვედრაზე განაცხადა.

შეხვედრაზე თბილისის მერმა ყურადღება მმართველი გუნდის მიერ დაგეგმილ პროექტებსა და იმ კალენდარზე გააანხვილა, რომელიც მმართველი გუნდის მიერ განსახორციელებელი პროექტების კონკრეტულ ვადებს მოიცავს.

"ჩვენ, "ნაციონალურმა მოძრაობამ" მთელი საქართველოს მასშტაბით 4-წლიანი კალენდრის დარიგება დაიწყეთ. მასში განსაზღვრულია, ამ ოთხი წლის განმავლობაში რომელი დაპირება როდის, რომელ წელს, რომელ კვარტალში შესრულდება. ეს იმისთვის, რომ ჩვენს თითოეულ მოქალაქეს ჰქონდეს შესაძლებლობა, არა მხოლოდ მხარი დაუჭიროს ჩვენს პარტიას, არამედ აკონტროლოს და იცოდეს, რა სიახლეა ჩვენს ქვეყანაში. ეს მნიშვნელოვანია იმისათვის, რომ თითოეულ მერს, მაჟორიტარს, დეპუტატს, არასდროს დაგვაინწყდეს, რომ ჩვენ ხალხს გვირჩევს და ვემსახურებოთ ხალხს, მხოლოდ ხალხს, და სხვა არაფერს. სამშობლოს სამსახური სწორედ ხალხის სამსახურია", - მიმართა შეკრებილ მოსახლეობას უკულავამ.

მისივე თქმით, თბილისი დღეს უკეთესი ქალაქია, ვიდრე რვა წლის წინ იყო, თუმცა ეს ხელისუფლებას მოდუნების უფლებას არ აძლევს, რადგან ჯერ კიდევ ბევრი ადამიანია, ვისაც დახმარება სჭირდება.

## "ISAF-ის მისიაში მონაწილეობა აძლიერებს ჩვენს ჯარს, რაც ნიშნავს, რომ ჩვენ ვაძლიერებთ ჩვენი ქვეყნის თავდაცვას და უსაფრთხოებას"

პირველი გვირგვინი

ქართული სამხედრო კონტინგენტი, ამერიკელ საზღვაო ქვეითებთან ერთად, სრული სპექტრის ოპერაციებს 2010 წლიდან ახორციელებს.

ქართველი სამხედროების ამოცანას ტერორიზმთან ბრძოლა, პროვინციის სამოქმედო არეალში მოსახლეობის უსაფრთხოების მიზნით პატრულირება და მოძრავი საკონტროლო საგუშაგოების მოწყობა წარმოადგენს. ქართული ბატალიონები მისიისთვის სპეციალურ მომზადებას გადიან. ექვსი თვის განმავლობაში ისინი ამერიკის შეერთებული შტატების საზღვაო ქვეითი ჯარების საექსპედიციო ბრიგადის ხელმძღვანელობით ინტენსიურ მომზადებას კრწანისის სასწავლო ცენტრში გადიოდნენ. საქართველოს შემდეგ კი ქართველი სამხედროები მისიის მაღალ დონეზე შესასრულებლად გერმანიის ქალაქ ჰოჰენფელსში, აშშ-ს გაერთიანებული მრავალეროვანი მზადყოფნის ცენტრში (JMRC) ემზადებიან.

ქართული სახელმწიფოს ერთ-ერთი მთავარი მიზანი თანამედროვე და დასავლური ორიენტაციის შეიარაღებული ძალების მშენებლობაა. შეიარაღებული ძალების განვითარებისა და მოდერნიზაციისთვის კი საერთაშორისო მიზნებში მონაწილეობას ძალიან დიდი მნიშვნელობა აქვს. ეს ქართველ სამხედროებს საშუალებას აძლევს, უნიკალური საბრძოლო გამოცდილება მიიღონ.

ISAF-ის მისიაში ყველაზე დიდი სამხედრო კონტინგენტი ამერიკის შეერთებულ შტატებს ჰყავს. აშშ-ს შემდეგ დიდი ბრიტანეთი და ნატო-ს წევრი და პარტნიორი ქვეყნები მოვიდა. მთლიანობაში, ავღანეთის ოპერაციაში 50 ქვეყანა წარმოდგენილი. ISAF-ის მისიაში საქართველო ნატო-ს არანეგატივ ქვეყნებს შორის ერთ სულ მოსახლეზე დაანგარიშებით უმსხვილესი კონტრიბუტორია.

"საერთაშორისო უსაფრთხოების მხარდაჭერის ძალები" (ISAF), რომელსაც ხშირად კოალიციურ ძალებს უწოდებენ, არის ნატო-ს უსაფრთხოების მისია ავღანეთში. ISAF-ის მისია ჩრდილო-ატლანტიკურმა ალიანსმა 2001 წელს, გაერთიანებული ერების უშიშროების საბჭოს მიერ მიღებული რეზოლუციით დაიწყო. მისიის მთავარი მიზანი ავღანეთის ეროვნული უსაფრთხოების ძალების მომზადება, სამთავრობო ინსტიტუტების მშენებლობა და ამბოხებულების წინააღმდეგ ბრძოლაა.

საწყის ეტაპზე ISAF-ის მთავარი დანიშნულება თალიბანისგან და ალ ქაიდასგან დედაქალაქ ქა-



ბულისა და მისი მიმდებარე ტერიტორიების დაცვა იყო, რათა ხელი არ შეშლოდა ავღანეთის გარდამავალი სამთავრობო ადმინისტრაციის განვითარებას. 2003 წლის ოქტომბერში გაეროს უშიშროების საბჭომ ISAF-ის მისიის მთელი ქვეყნის მასშტაბით გაფართოების გადაწყვეტილება მიიღო. 2006 წლის შემდეგ კოალიციური ძალები აქტიურად ჩაერთვნენ საბრძოლო ოპერაციებში ქვეყნის სამხრეთ-აღმოსავლეთ რეგიონებში და ეს ტენდენცია 2011 წლამდე გრძელდებოდა.

პირველად ISAF-ის სამშვიდობო ოპერაციაში მონაწილეობის მიხედვით გაძლიერებული ქვეითთა ოცეული (50 სამხედრო მოსამსახურე) 2004 წელს გაიგზავნა. ოცეული მისიას გერმანული კონტინგენტის შემადგენლობაში ასრულებდა. მათი ამოცანა ავღანეთში საპრეზიდენტო არჩევნების უსაფრთხოების უზრუნველყოფა იყო. 2007 წლის ნოემბრიდან, გჰორის პროვინციის ქ. ჩაგჩანანში, ქართველი ექიმები ლიტვის რესპუბლიკის პროვინციული რეკონსტრუქციის ჯგუფის შემადგენლობაში ასრულებდნენ სამშვიდობო მისიას-თვიანი როტაციით. 2009 წლის ნოემბრიდან 2012 წლის იანვრამდე, ქართულმა სამშვიდობო ასეულმა დაიწყო მისიის შესრულება ფრანგული კონტინგენტის შემადგენლობაში, ქ. ქაბულში, რეგიონული სარდლობის შტაბ-ბინაში მდებარე "გორჰაუზ"-ის ბაზაზე უსაფრთხოების უზრუნველყოფის მიზნით. 2010 წლიდან კი ქართული ბატალიონები ერთ-ერთ ყველაზე რთულ, ავღანეთის სამხრეთით მდებარე ჰელმანდის პროვინციაში ასრულებდნენ მისიას.

ISAF-ის ოპერაციაში საქართველოს მონაწილეობის და მისი მნიშვნელობის შესახებ საქართველოს თავდაცვის მინისტრი დიმიტრი შაჰუჩინი გვესაუბრება.

### - ბატონო დიმიტრი, რამდენად მნიშვნელოვანია საქართველოს შეიარაღებული ძალების ქვედანაყოფებისათვის ISAF-ის საერთაშორისო მისიაში მონაწილეობა?

- ყველაზე მნიშვნელოვანი არის ის, რომ კოალიციურ ჯარებთან ერთად, მისიაში მონაწილეობა აძლიერებს ჩვენს ჯარს, რაც ავტომატურად ნიშნავს, რომ ჩვენ ვაძლიერებთ ჩვენი ქვეყნის თავდაცვას და უსაფრთხოებას.

ეროვნული-სამხედრო პერსპექტივიდან გამომდინარე, სამშვიდობო ოპერაციებში მონაწილეობას პრაქტიკული სარგებელი აქვს. ჩვენი სამხედროები რთულ გარემოში სამხედრო ოპერაციების წარმოების უნარ-ჩვევებს სწავლობენ, რაც მათ პროფესიონალიზმს სრულყოფს. ეს გარემოება ხელს უწყობს საბრძოლო გამოცდილების შექმნასა და საბრძოლო შესაძლებლობების გაძლიერებას.

ავღანეთში ჩვენი ბატალიონები ისეთ უნიკალურ გამოცდილებას იღებენ, რომელსაც ვერასოდეს ვერ მიიღებდნენ წვრთნის დროსაც. ჩვენს ბატალიონებს აქვთ შეხება ყველაზე თანამედროვე იარაღთან. მსოფლიოში ყველაზე თანამედროვე იარაღი ავღანეთშია კონცენტრირებული და ქართველი სამხედროები უნიკალურ გამოცდილებას იღებენ. ჩვენი მეთაურები ბატალიონების მართვის უნიკალურ გამოცდილებას უშეუაღებლად საომარ მდგომარეობაში იღებენ. მონაწილეობა არის ძალიან ძლიერი და მათ მიერ შემოთავაზებული ბრძოლის ტაქტიკა ჩვენს ოფიცრებს საკმაოდ ადრე პრაქტიკულ ცოდნას აძლევს. მნიშვნელოვანია ისიც, რომ ბატალიონის მეთაურები სწავლობენ, თუ როგორ შეინარჩუნონ პირადი შემადგენლობა და როგორ შეასრულონ მისია ისე, რომ მსხვერპლი მინიმუმამდე დაიყვანონ.

როცა ეს ბატალიონები უკან ბრუნდებიან, ისინი თავიანთ გამოცდილებას ახალ ბატალიონებს უზიარებენ. ეს პროცესი მუდმივად მიმდინარეობს.

- ვისაუბრეთ, თუ რა სახის გამოცდილებას იღებენ ჩვენი სამხედროები ავღანეთში. რას გვეტყოდით მათი მომზადების შესახებ? რამდენად არიან ჩვენი სამხედროები მზად მისიის შესასრულებლად და რა სახის წვრთნებს გადიან ავღანეთში გამგზავრებამდე?

- ქართველი სამხედროების მომზადების დონე და მათი მზადყოფნა კონკრეტული ამოცანების შესასრულებლად ყოველთვის მაღალ შეფასებას იმსახურებს საერთაშორისო ძალების წარმომადგენლებისგან. ერთი კვირის წინ ჰელმანდის პროვინციაში ბაზა "შუკვანზე" ქართველი სამხედრო მოსამსახურეები მოვიხაშულეთ. ამჟამად მისიას ვიცე-პოლკოვნიკ რომან ჯანჯულის მეთაურობით II ქვეითი ბრიგადის 23-ე ბატალიონი ასრულებს. ISAF-ის სამხრეთ-დასავლეთის რეგიონალური სარდლობის მეთაურებთან შეხვედრისას ამერიკელმა გენერლებმა აღნიშნეს, რომ ყოველი ახალი ბატალიონი უფრო გაძლიერებული ჩამოიდა.

გარდა ამისა, როცა ავღანეთზე ვსაუბრობთ, აუცილებლად უნდა ავღნიშნოთ, რომ არც ერთი ბატალიონი არ მიემგზავრება სერიოზული მომზადების გარეშე. ამერიკის შეერთებული შტატების საზღვაო ქვეითი ჯარების საექსპედიციო ბრიგადის ხელმძღვანელობით სამშვიდობო მისიისთვის ექვსთვიანი ინტენსიური მომზადებას ქართული ბატალიონები კრწანისის სასწავლო ცენტრში გადიან. ამის შემდეგ კი სამხედროები გერმანიის ყველაზე დიდ სამხედრო ბაზაზე, ქალაქ ჰოჰენფელსში, აშშ-ს გაერთიანებული მრავალეროვანი ბრიგადის ცენტრში (JMRC) გადიან სამხედრო წვრთნებს.

ქართველი სამხედროები ავღანეთში ამერიკელი საზღვაო ქვეითების მსგავსად ოპერირებენ. ყველა ქართულ ბატალიონში მიმავრებული ჰყავს საზღვაო ქვეითების განყოფილება. ჩვენი მეთაურები ბატალიონების მართვის უნიკალურ გამოცდილებას უშეუაღებლად საომარ მდგომარეობაში იღებენ. მონაწილეობა არის ძალიან ძლიერი და მათ მიერ შემოთავაზებული ბრძოლის ტაქტიკა ჩვენს ოფიცრებს საკმაოდ ადრე პრაქტიკულ ცოდნას აძლევს. მნიშვნელოვანია ისიც, რომ ბატალიონის მეთაურები სწავლობენ, თუ როგორ შეინარჩუნონ პირადი შემადგენლობა და როგორ შეასრულონ მისია ისე, რომ მსხვერპლი მინიმუმამდე დაიყვანონ.

## ექსტრადირიკი ქართველი სასამართლო პროცესი

ჰოლანდიაში 19 წლის ქართველის სასამართლო პროცესი მიმდინარეობს. შეიარაღებული თავდასხმა და მკვლელობა - ასეთია სანდრო გრიგოლიასთვის წარდგენილი ბრალდებები. თავის დროზე, ჰააგელ სამართალდამცველებს, სანდრო გრიგოლიას ადვოკატთა და მასთან დაკავშირებული რაიმე, თუნდაც უმნიშვნელო ინფორმაციის მიწოდებისთვის ჯილდოდ 15 ათასი ევრო ჰქონდათ დაწესებული.

რამდენიმე თვის წინ, მკვლელობაში ეჭვმიტანილი სანდრო გრიგოლიას ფოტოები ჰოლანდიური ტელეკომპანიების ყველა საინფორმაციო გამოშვებაში აჩვენეს, მისი ფოტოები დაიბეჭდა გაზეთებშიც. უცხოური პრესის მიერ მაშინ გავრცელებული ინფორმაციის მიხედ-

ვით, სანდრო გრიგოლია, თანამზრახველ ზია ბორუქჩუსთან ერთად, ერთ-ერთ საიუველირო მაღაზიას დაესხა თავს. თავდასხმა საიუველირო მაღაზიაში დამონტაჟებულმა ვიდეოსადავთოვლო კამერებმა გადაიღეს. ვიდეოში, რომელიც სამართალდამცველებმა გამოიყვეს,

კარგად ჩანდა, როგორ შევიდა ორი ადამიანი ერთად მაღაზიაში, როგორ ემუქრებოდნენ ისინი ცეცხლსასროლი იარაღით იუველირს. კადრებში აღბეჭდილი იყო მუქარის შემდეგ გასროლა, რის შედეგადაც, მაღაზიის მეპატრონე ადგილზე გარდაიცვალა. თავდასხმიდან რამდენიმე დღეში, ცნობილი გახდა, რომ მძიმე დანაშაულში ეჭვმიტანილი ქართველ სამართალდამცველებს ჰყავდათ. რა გზებით შემოვიდა სანდრო გრიგოლია საქართველოში, უცნობია. ის ქართველი სამართალდამცველებს საკუთარი სურვილით ჩაბარ-

და და როგორც ჩვენებამი მოითითა, პოლიციისთვის ჩაბარება მას შემდეგ გადაწყვიტა, რაც ტელევიზიით შეიტყო, რომ მაღაზიის მფლობელი გარდაიცვალა.

ინციდენტიდან რამდენიმე დღეში ჰააგის ერთ-ერთ ცენტრალურ უბანში დააკავეს მეორე თავდასხმელი ზია ბორუქჩი.

სანდრო გრიგოლიას საქართველოდან ჰოლანდიაში ექსტრადირება ჰოლანდიის პოლიციამ მოითხოვა. ექსტრადირება ითხოვდა თავად ეჭვმიტანილმა.

საკუთარი ინფორმაცია

გაზეთი "24 საათი" გამოცემულია შპს "მედი". რედაქტორ-გამომცემელი: გიორგი ფარუშაშვილი, პაატა ვეშაპიძე.

რედაქცია: სოფო კიკელიძე (მთავარი რედაქტორი), რედაქტორები: მია ჭალაგანიძე (საზოგადოება, Weekend), ინგა ალავიძე (სამართალი), დავით ნინიკაშვილი (ბიზნესი), ივა შილაკაძე (უცხოეთი) სოფო კიკელიძე (რევიუ), კახა ფარუშაშვილი (სპორტი). რედაქციის და მარკეტინგის მენეჯერი: ირაკლი ლეჟავა ტელ: 899 22 09 49. ელ.ფოსტა: info@24hours.ge. რედაქციის მისამართი: ქ.თბილისი, კოსტავას ქ. № 68, საზოგადოებრივი მაუწყებელი, მე-3 კორპუსი, მე-3 სართული. ტელ: 40-94-45; 40-94-46; 40-94-47; 40-94-48 ელ-ფოსტა: public@24hours.ge

# ერთიანი საქართველოს სიბოლოს კურთხევა

დათო ბაჩიშვილი

საერთაშორისო დელეგაციები, რომლებიც ბოლო დროს საქართველოს სტუმრობენ, საარჩევნო გარემოს უკიდურესად პოლარიზებულად ახასიათებენ. ეკლესია ერთადერთი ადგილია, სადაც სხვადასხვა პოლიტიკური შეხედულებების მქონე ლიდერები ერთმანეთთან შეხვედრისას თავშეკავებულად იქცევიან. მიმდინარე საარჩევნო მართონში პირველი შემთხვევა ავგისტოს ბოლოს ცაგერში იყო, როცა ეკლესიაში შესული კოალიცია "ქართული ოცნების" ლიდერ ბიძინა ივანიშვილს პარლამენტის თავმჯდომარე დავით ბაქრაძე დახვდა. მათ ერთმანეთს ხელი ჩამოართვეს, თუმცა მათი შეხვედრა მინც შემთხვევითობას ჰგავდა.

ბაგრატის აღდგენილი ტაძრის კურთხევაზე კი ეკლესიამ ყველა პოლიტიკური ძალა მიიწვია. საქმე ის არის, რომ ბაგრატის ტაძრიდან გუშინ მიმდინარე სატელევიზიო ტრანსლაციაში, ტაძარში მყოფ პრეზიდენტს და მისი ოჯახს, ასევე სხვადასხვა ოპოზიციური პარტიების ლიდერებს განსაკუთრებული ყურადღება ექცეოდა და ახლო კადრით აჩვენებდნენ. შემდეგ კი თითოეულმა ლიდერმა გუშინდელი დღის მნიშვნელობა მედიასთან შეაფასა.

ტაძარში "ქართული ოცნების", "ნაციონალური მოძრაობის", "ქრისტიან-დემოკრატების", "ახალი მემარჯვენეების", "ლეიბორისტების", "ქართულის დასის", ედპ-ს და სხვა პარტიების წარმომადგენლები მრავლად იყვნენ. ბიძინა ივანიშვილს კი ბაგრატის ტაძარში არმიხსტის მიზეზები ტელე-

კომპანია "მე-9 არხის" ეთერში ჰკითხეს. "მე ამ ტაძრის აღდგენასა და, საერთოდ, ჩვენი ძეგლების აღდგენის პროცესის ფორმირებაში ძალიან დიდი წვლილი მიმიძღვის. უნდა ითქვას, რომ 500-ზე მეტი ტაძარი და ბევრი მნიშვნელოვანი ძეგლი აღვადგინეთ, მაგრამ არც ერთი მათგანი გახსნაზე არ ვყოფილვარ. ყველანი მოგვანებთ მოვინახულე და ეს ნორმალურია. ბაგრატის ტაძრის გახსნაზე ჩასვლა "მე-9 არხზე" დანიშნული ეთერის გამო ვერ მოვახერხე. მას რამდენიმე დღეში მოვინახულე," - თქვა ივანიშვილმა.

პრეზიდენტმა მიხეილ სააკაშვილმა კი პოლიტიკურ პარტიებს ტაძრის კურთხევის დასრულების შემდეგ მიმართა. "მინდა ყველა პარტიის წარმომადგენელს, რომლებიც დღეს აქ არიან, ვუთხრა: ჩვენ შეიძლება განსხვავებული ხედვა გვქონდეს, მათ შორის, პოლიტიკასთან, ეკონომიკასთან მიმართებაში, მაგრამ იმედია, მთავარ რალაციაში არ განვსხვავდებით - საქართველო არასდროს არ უნდა ჩავაბაროთ ჩვენს მტერს. როგორც არ უნდა იყოს ჩვენი პირადი ამბიციები, მას არ უნდა გადავაციოთ ქვეყანა. არ უნდა განვსხვავდებოდეთ იმაში, რომ არასდროს ჩვენს ქვეყანას არაფერზე გავცვლით, არასდროს ჩვენს პიროვნულს არ დავაყენებთ ხალხის საერთო ინტერესებზე მაღლა და ვიმორჩებოთ იმ გზით, რომელსაც საქართველოს გაძლიერება და გაერთიანება ჰქვია," - განაცხადა მიხეილ სააკაშვილმა.

მისი აზრით, თუ პოლიტიკური ძალები ერთად იდგებიან, ისევე, როგორც ეს ბაგრატის ტაძრის კურთხევის დროს მოხ-

და, ძლიერი და ერთიანი საქართველოს აღადგენას შეძლებენ.

"იმ ეპოქაშიც, როცა ბაგრატის ტაძარი აიგო, საქართველოს გაერთიანება ყველა მიმართულებიდან დაიწყო. საქართველოს სულიერი აღორძინება დაიწყო მაშინაც, როცა ჯერ კიდევ 9 წლის წინათ სამეგრელოდან თბილისისკენ დიდი კოლონა წამოვიდა. საქართველოს აღორძინება იხსიკ, რომ ქუთაისში აშენდა პარლამენტი და აქ იქმნება ინსტიტუციურად პოლიტიკური ცენტრი. რა თქმა უნდა, თბილისის როლი ამით მხოლოდ ძლიერდება, მაგრამ ყველაფერი ეს არის მოძრაობა იმისკენ, რომ საქართველო ერთ ორგანიზმად ჩამოყალიბდეს. ეს ასევე სიმბოლოა იმიტომ, რომ ჩვენი ოკუპირებული ტერიტორიები შემოვიერთოთ, რადგან თუ რამე განსახიერებს აფხაზეთში ყოფნას, რა თქმა უნდა, ეს ტაძარია. ეს ტაძარი ამ იდეის გვირგვინია. თუ ყველანი ერთად დავდგებით, როგორც ამ ტაძარში ვეძებთ, როცა ერთმანეთის მხარდამხარ ლოცვას აღვაველენთ, ამ იდეას ხორცსც შევასხამთ. ზუსტად ასევე აღვადგენთ ერთიან, ძლიერ საქართველოს, თუ ერთად ვიდგებით. ძალა ერთობაშია!" - აღნიშნა საქართველოს პრეზიდენტმა.

პრეზიდენტის პათოსს ოპოზიციური პარტიების ლიდერებიც იზიარებდნენ. ტაძრიდან გამოსვლის შემდეგ ზუგდიდის მაჟორიტარმა კანდიდატმა "ქართული ოცნებიდან" ირაკლი ალასანიამ თქვა, რომ ბაგრატის ტაძარში გამართულ საღმრთო ლიტურგიაში სხვადასხვა პარტიის წარმომადგენელთა მონაწილეობა დიდი ადამიანური და სამოქალაქო

სოლიდარობის გამოხატულებაა. "ყველანი საქართველოს შვილები ვართ და პატრიარქის მონოდედას ერისთვის ძალიან დიდი მნიშვნელობა აქვს. ეს არის დიდი ადამიანური და სამოქალაქო სულიერების გამოხატულება - ერთად ჩვენ ვლოცულობთ," - ამბობს ირაკლი ალასანია.

"ქრისტიან-დემოკრატიული მოძრაობის" ლიდერი გიორგი თარგამაძე აღნიშნავს, რომ მისი პარტია ყოველთვის იქნება იქ, სადაც საქართველოს ერთიანობა და მთლიანობაა. "ამ საქმის წინამძღოლი არის სწორედ მისი უწინდესობა," - მიიჩნევს თარგამაძე.

"ეროვნულ-დემოკრატიული პარტიის" ლიდერი ბაჩუკი ქარდავა ამბობს, რომ ედპ პარტიარქის კურთხევის შესრულებას ყოველთვის ცდილობს. მისი თქმით, ახლა განსაკუთრებული შემთხვევაა, რადგან ბაგრატის ტაძრის აღდგენა საქართველოს ერთიანობის სიმბოლოა. ქარდავამ დასძინა, რომ პოლიტიკოსებს შორის კონკურენცია უნდა იყოს და არა მტრობა. "ყველა ერთად ვართ, ეს მისასალმებელია და დიდი საქმეა," - მიიჩნევს ბაჩუკი ქარდავა.

პატრიარქი ტაძარში მყოფ ხელისუფლებისა და ოპოზიციის წარმომადგენლებს მიესალმა. მან ხელისუფლება და ოპოზიცია 23 სექტემბერს ფოთში, საკათედრო ტაძრის კურთხევაზე დააბატიჟა. მანამდე კი პატრიარქმა ხელისუფლებისა და ოპოზიციის წარმომადგენლები, პრეზიდენტის სახელით, საზეიმო ბანკეტზე მიიწვია.

გუშინ გავრცელებული ინფორმაციით, ბანკეტს ოპოზიციური პარტიების უმრავლესობა არ დასწრებია.

## ორი გამამართლებელი განაცხადი და ნანილოზრივ დაკმაყოფილებული სარჩელი

ყოველგვარი ეჭვი, რომელიც ვერ დადასტურდება კანონით დადგენილი წესით, ბრალდებულის სასარგებლოდ უნდა გადაწყდეს. საქართველოს კონსტიტუციის მე-40 მუხლის მე-3 პუნქტის თანახმად, დადგენილება ბრალდებულის სახით პირის პასუხისგებაში მიცემის შესახებ, საბრალდებო დასკვნა და გამამტყუნებელი განაჩენი მხოლოდ უტყუარ მტკიცებულებებს უნდა ემყარებოდეს.

სწორედ კანონის ამ მუხლზე დაყრდნობით, ხაშურის რაიონულმა სასამართლომ კ.ყ-ს გამამართლებელი განაჩენი გამოუტანა. სხვისი ნივთის დაზიანება, რამაც მნიშვნელოვანი ზიანი გამოიწვია - ასეთი იყო კ.ყ-სთვის წარდგენილი ბრალდება. გამოძიების მასალების მიხედვით, ქარელის რაიონის სოფელ დვანში, კ.ყ-მ, ხელისა და ქვის დარტყმით, განზრახ დააზიანა გ.მ-ს "მერსედესის" მარკის მიკროავტობუსის წინა საქარე მინა, რამაც 160 ლარის მნიშვნელოვანი ზიანი გამოიწვია.

საქმე ისაა, რომ სასამართლო პროცესზე, ზიანის ოდენობის შესახებ უტყუარი მტკიცებულება ბრალდების მხარემ ვერ წარმოადგინა "სისხლის სამართლის საპროცესო კოდექსის მე-5 მუხლის მესამე ნაწილის თანახმად, წარმოშობილი ეჭვი ბრალდებულის სასარგებლოდ გადაწყდა და მართლმსაჯულებამ ბრალდებული გაამართლა," - განმარტავენ სასამართლოში.

ბილი ეჭვი ბრალდებულის სასარგებლოდ გადაწყდა და მართლმსაჯულებამ ბრალდებული გაამართლა," - განმარტავენ სასამართლოში. ბათუმის საქალაქო სასამართლომ კი ქურდობაში ბრალდებული ნონა ჭოჭუა ცნო უდანაშაულოდ. მას ქურდობაში ედებოდა ბრალი. საქმის მასალების მიხედვით, ის ფარულად დაეფულა სხვის კუთვნილ კომპიუტერს, რომლის ღირებულება 800 ლარს შეადგენდა.

როგორც გამოძიების, ასევე საქმის სასამართლო განხილვის დროს, ბრალდებულმა წარდგენილ ბრალდებაში თავი დამნაშავედ არ ცნო. საქმე ისაა, რომ მონაწილეთა ჩვენებებისა და საქმეში არსებული მტკიცებულებების საფუძველზე, ბრალდებულის ჩვენება სრულად დადასტურდა. შესაბამისად, სასამართლომ გაიზიარა ბრალდე-

ბულის ჩვენებები მისი უდანაშაულობის შესახებ, ვინაიდან, ბრალდების მხარის მიერ წარმოდგენილი მტკიცებულებები საკმარისი არ აღმოჩნდა.

თბილისის საქალაქო სასამართლომ თბილისის მერიის ზედამხედველობის საქალაქო სამსახურის წინააღმდეგ, ფიზიკური პირის გურამ ცაცხალიას სარჩელი, ნანილოზრივ დაკმაყოფილა. მხარეებს შორის დავის საგანს თბილისის მერიის ზედამხედველობის საქალაქო სამსახურის დადგენილებისა და მერიის განკარგულების ბათილად ცნობა წარმოადგენდა, რომლის საფუძველზეც, მოსარჩელე დაჯარიმდა. გარდა ამისა, ადმინისტრაციულ ორგანოს მიღებული ჰქონდა დადგენილება უნებართვოდ წარმოებული მშენებლობის დემონტაჟის თაობაზე.

საქმის მასალების მიხედვით, მოსარჩელეს, როგორც დევნილს, სახელმწიფოსგან სიმბოლურ ფასად გადაეცა თბილისში ხიზანიშვილის N71-ში განთავსებული უძრავი ქონება. 2009 წელს მერიის ზედამხედველობის საქალაქო სამსახურმა მოსარჩელის უძრავი ქონება, რომელიც ე.წ. "ბარაკის"

ტიპისაა, უნებართვოდ წარმოებულ მშენებლობად მიიჩნია და ფიზიკური პირი 15 ათასი ლარით დააჯარიმა, ხოლო, მოგვიანებით, მითითების შეუსრულებლობისთვის - 5 ათასი ლარით.

"სასამართლომ მხარეთა ახსნა-განმარტებების მოსმენის, საქმეში არსებული მტკიცებულებების შეფასების შედეგად მიიჩნია, რომ მოსარჩელის სასარჩელო მოთხოვნა უნდა დაკმაყოფილდეს ნანილოზრივ, რადგან თბილისის მერიის ზედამხედველობის საქალაქო სამსახურმა არ გამოიკვლია საქმისათვის არსებითი მნიშვნელობის მქონე გარემოებები. ამასთან, მერიამ არ მისცა სათანადო შეფასება იმ გარემოებას, რომ მოსარჩელეს, როგორც დევნილს, სახელმწიფოსგან სიმბოლურ ფასად 2009 წელს გადაეცა თბილისში ხიზანიშვილის N71-ში განთავსებული სადავო უძრავი ნივთი, რის გამოც, მოპასუხე ადმინისტრაციულ ორგანოს დაევალა ახალი ინდივიდუალური ადმინისტრაციულ-სამართლებრივი აქტის გამოცემა," - განმარტავენ სასამართლოში.

### "ლეიბორისტებმა" გაზეთი გამოსცეს

"ლეიბორისტულმა პარტიამ" წინასაარჩევნოდ გაზეთი "სიმართლე" გამოსცა. გუშინდელ პრეზენტაციაზე პარტიის იდეოლოგიურმა მდივანმა კახა ძაგანიამ გაზეთის კონცეფციაზე ისაუბრა.

"ამ გაზეთში არის ყველა ის უბედურება, რაც საქართველოს უახლოეს ისტორიაში თავს დაატყდა ივანიშვილ-საკაშვილის ხროვამ. ასევე, ის სამართლებრივი დოკუმენტები, რომელიც ევროპის, აშშ-ს, გაეროს, ადამიანის უფლებათა დაცვის საერთაშორისო ორგანიზაციებში ვაიგზავნა; ფრთიანი ფრაზეები, რასაც ნათელაშვილი იყენებს ეგრეთ წოდებული პოლიტიკოსების მიმართ," - ამბობს კახა ძაგანია. მისი თქმით, გაზეთს აქტივისტები უფასოდ დაარჩებენ.

"ტირაჟი ასი ათასია, მაგრამ ერთი ამდენის დამატება მოგვიწევს, რადგან, პირდაპირ, ხელიდან გვატყვენ ამ გაზეთს," - აცხადებს ძაგანია. გაზეთის რედაქტორი და სტატიების ავტორი შალვა ნათელაშვილია. 1 გაზეთის დაბეჭდვა "ლეიბორისტებს" 20 თეთრი დაუჯდათ.

### საქართველოს ჩინეთის დელეგაცია ეწვია

ჩინეთის სახალხო რესპუბლიკის პარლამენტის საერთაშორისო ურთიერთობათა კომიტეტის დელეგაცია ვიზიტით საქართველოში იმყოფება. პარლამენტის პრესსასა და საზოგადოებასთან ურთიერთობის დეპარტამენტის ინფორმაციით, გუშინ ისინი სიღნაღში იმყოფებოდნენ, სადაც ადგილობრივი ლირსშესანიშნაობები დაათვალიერეს. დღეიდან კი ოფიციალურ შეხვედრებს დაიწყებენ.

შეხვედრები დაგეგმილია საქართველოს პარლამენტის თავმჯდომარე დავით ბაქრაძესთან, საგარეო ურთიერთობათა კომიტეტის თავმჯდომარე აკაკი მინაშვილთან და საგარეო საქმეთა მინისტრ გრიგოლ ვაშაძესთან. 18 სექტემბერს სტუმრები უკვე ეკონომიკისა და მდგრადი განვითარების მინისტრ ვერა ქობალას შეხვდებიან.

19 სექტემბერს დელეგაციის წევრები გორსა და მცხეთას ეწვევიან, სადაც ასევე ადგილობრივ ლირსშესანიშნაობებს დაათვალიერებენ. იმავე დღეს ისინი საქართველოს დატოვებენ.

### ინციდენტი ამომრჩევლებთან შეხვედრისას

პოლიტიკური ბლოკის "ბიძინა ივანიშვილი - ქართული ოცნება" მაჟორიტარი დეპუტატობის კანდიდატ მამუკა არეშიძის შეხვედრა გარდაბნის რაიონის სოფელ გამარჯვენის მოსახლეობასთან შეხლა-შემოხლათ დასრულდა. "მედიანიუსის" ინფორმაციით, შეხვედრა 40 წუთის განმავლობაში მშვიდობიან ვითარებაში მიმდინარეობდა, თუმცა შემდეგ ერთ-ერთმა ადგილობრივმა მცხოვრებმა კანდიდატს რალაც საგანი ესროლა.

კოალიციის ინფორმაციით, "ქართული ოცნების" ადგილობრივმა აქტივისტებმა ინციდენტში მონაწილე პირი მშვიდობიანად გაიყვანეს შეხვედრის ადგილიდან. კოალიციაში აცხადებენ, რომ "ერთიანი ნაციონალური მოძრაობის" წარმომადგენლებმა მას პროვოკაციის დაწყებისთვის 50 ლარი გადაუხადეს.

"ერთიანი ნაციონალური მოძრაობის" მასიურებში გამოწყობილმა ათამდე ახალგაზრდამ პროვოკაცია გაამწვავა, რასაც შეხლა-შემოხლა მოჰყვა. მოგვიანებით გაირკვა ისიც, რომ ესენი იყვნენ სოფელ გამარჯვენის გამგეობის წევრები და მათი მხარდამჭერი, სპორტული აღნაგობის ახალგაზრდები, რომელთაც "ნაციონალების" ადგილობრივი კოორდინატორი ნიკო ჭანტურიძე ხელმძღვანელობდა. "ქართული ოცნების" კოორდინატორებმა, აქტივისტებმა მოსახლეობის წარმომადგენლებმა ყველაფერი გააკეთეს პროვოკაციის მშვიდობიანად დასრულებისთვის," - იტყობინება კოალიცია "ქართული ოცნება".

მამუკა არეშიძე გარდაბნელებს დაჰპირდა, რომ, გამარჯვენის შემთხვევაში, "ქართული ოცნება" გარდაბნის რაიონში მოავარებს წლების მანძილზე გადაუჭრელ სოციალურ და საყოფაცხოვრებო პრობლემებს, მოსახლეობას დაეხმარება კუთვნილი მიწის ნაკვეთების დაკანონებაში, ჩამოაყალიბებს მსხვილ მეურნეობებსა და მოსახლეობის უდიდეს ნაწილს დაასაქმებს.

### ემიგრანტები დამატებითი საარჩევნო უბნის გახსნას ითხოვენ

არასამთავრობო კოალიციური ორგანიზაცია "ემიგრანტები დემოკრატიული საქართველოსთვის" მიუხედავად არსებულ საქართველოს საპატიო საკონსულტო დამატებითი საარჩევნო უბნის გახსნას ითხოვს. ამასთან დაკავშირებით ორგანიზაციამ განცხადება გაავრცელა.

"ასობით ჩვენმა თანამემამულემ ხელი მოაწერა მიუხედავად საარჩევნო უბნის გახსნის პეტიციას და შეიტანა ბერლინში საქართველოს საელჩოში. ეს ციფრი არის სრულიად საკმარისი საარჩევნო უბნის გახსნისთვის. გაუგებარია, რატომ ქმნის ცესკო ხელოვნურ ბარიერს და არ ხსნის საარჩევნო უბანს მიუხედავად. 15 სექტემბერს ცესკოს მიერ გამოქვეყნებული განცხადება ეწინააღმდეგება მანამდე მიღებულ განცხადებას უბნის არგანის შესახებ. ყოველივე ზემოთქმულიდან გამომდინარე, ჩვენ დაბეჯითებით მოვითხოვთ მიუხედავად არსებულ საქართველოს საპატიო საკონსულტო დამატებითი საარჩევნო უბნის გახსნის საკითხზე. ამ მოთხოვნას ამყარებს საქართველოს საარჩევნო კოდექსის 23-ე მუხლი, რომელიც კრძალავს ერთ საარჩევნო უბანზე 1500-ზე მეტ ამომრჩეველს. ბერლინში საქართველოს საკონსულტო მიერ გამოქვეყნებული სიების მიხედვით, გერმანიის ტერიტორიაზე საარჩევნო უფლების მქონე საქართველოს მოქალაქეთა რაოდენობა აღემატება 2500-ს; მათ შორის 1000-ზე მეტი რეგისტრირებულია სამხრეთ გერმანიის ტერიტორიაზე," - ნათქვამია განცხადებაში.



# ავსახვით რეალობას

[www.cesko.ge](http://www.cesko.ge)

# ამერიკის საელჩოს უსაფრთხოება ცვალებად ახლო აღმოსავლეთში

## პირველი გავრცელება

საელჩოებში ის თანამშრომლები დარჩებიან, რომელთა დანიშნულების ადგილზე ყოფნა უკიდურეს აუცილებლობას წარმოადგენს. საპროტესტო ტალღამ ახალი ძალით იფეთქა იემენშიც. დემონსტრანტები კვლავ შეიკრიბნენ ამერიკის შეერთებული შტატების საელჩოსთან და სკანდალური ფილმის "მუსლიმთა უმანკობის" რეჟისორის სიკვდილით დასჯა მოითხოვეს.

ექსცესების გარეშე აქციას არც ევროპაში ჩაუვლია, სადაც მუსლიმურმა საზოგადოებამ თავისი მკვეთრად უარყოფითი დამოკიდებულება გამოხატა "იუთუბის" მეშვეობით გავრცელებული ფილმის ტრეილერისადმი. ერთი ავტორის გამოვლენის პარალელურად საერთაშორისო საზოგადოებამ ასევე აინტერესებს მეორე რეჟისორის ვინაობაც. ეჭვი პორნოფილმების რეჟისორზე, ვინმე ალან რობერტსზე აქვთ. ამერიკული მედიის თანახმად, რამდენიმე თვის წინ სწორედ ალან რობერტსმა ჩაატარა კასტინგი მსახიობებისთვის. რაც შეეხება ფილმის თანავტორ ეგვიპტელ კოპტს ნაკულა ბასლი ნაკულას, მისი თქმით, იგი მხოლოდ ტექნიკურ მენეჯერად მუშაობდა.

ახლო აღმოსავლეთში გასულ კვირას დაიწყო ანტიამერიკული დემონსტრაციები, რომელიც მთელ რიგ ქვეყნებში ძალადობაში გადაიზარდა და რასაც ლიბიაში ამერიკის ელჩის კრისტოფერ სტივენსის სიცოცხლეც ემსხვერპლა. რეგიონში საპროტესტო ტალღის

გაძლიერების ფონზე ამერიკის თავდაცვის უწყება, სახელმწიფო დეპარტამენტი და თეთრი სახლი ახლო აღმოსავლეთსა და მსოფლიოს მასშტაბით საელჩოების უსაფრთხოების კიდევ უფრო გაძლიერებაზე მუშაობს.

როგორც ცნობილია, ვენის კონვენცია დიპლომატიური ურთიერთობების შესახებ უცხო ქვეყნის საელჩოების უსაფრთხოებაზე ზრუნვას მასპინძელ ქვეყანას აკისრებს, თუმცა ამერიკის შეერთებულ შტატებს არსებულ საფრთხეებზე საპასუხოდ საკუთარი კომპლექსური უსაფრთხოების ბიუროკრატია ჰქონდა შექმნილი, მაგრამ გასულ კვირას განვითარებულმა მოვლენებმა ამ სისტემის გადახედვა მოითხოვა.

მელისა დალტონი, რომელიც ამერიკის თავდაცვის სამინისტროში საგარეო ურთიერთობების სპეციალისტად მუშაობს, აღნიშნავს: როდესაც საუბარია ამერიკის საელჩოს უსაფრთხოებაზე, ელჩი, როგორც მისი ხელმძღვანელი, არის პიროვნება, რომელიც "საბოლოო გადაწყვეტილებას" იღებს. ეს გადაწყვეტილება მრჩეველთა ჯგუფის მიერ მიწოდებულ ინფორმაციაზე დაფუძნებულია: "ის იღებს გადაწყვეტილებას მთლიანი ჯგუფის შესახებ, რაც გულსხმობს იმის განსაზღვრას, თუ რა ტიპის ძალების მობილიზებაა საჭირო თანამშრომლების დასაცავად."

დალტონის თქმით, სახელმწიფო დეპარტამენტის დიპლომატიური უსაფრთხოების განყოფილების რეგიონული უსაფრთხოების ოფიცრები აყალიბებენ სპეციალურ უსაფრთხოების



პროგრამებს, რომლებიც ამერიკის მისიებს იცავს და როდესაც საქმე უსაფრთხოებას ეხება, ელჩისათვის უმთავრეს მრჩეველს ფუნქციას ასრულებს. საელჩოს სამხედრო ატაშე მასპინძელი ქვეყნის უსაფრთხოების დინამიკის შესახებ ინფორმაციას ელჩს აწვდის, ამავე დროს, დაზვერვის თანამშრომლის პირები ქვეყანაში არსებულ სიტუაციას შეისწავლიან.

"იმ ქალაქებსა და რეგიონში სადაც უსაფრთხოებას განსაკუთრებული ყურადღება უნდა მიექცეს, ახლო ურთიერთობა მყარდება ადგილობრივ უსაფრთხოების ძალებთან. ჩვენ მათ მიწაზე ვიმყოფებით და, შესაბამისად, ისინი

უკეთ იცნობენ საკუთარ ქვეყანას, ვიდრე ჩვენ," - ამბობს დალტონი, რომლის თქმითაც, ამერიკის საელჩოებსა და მასპინძელ ქვეყნებს შორის ურთიერთობა ორმხრივ შეთანხმებას ეფუძნება.

როდესაც კრიზისი იწყება, პირველი ნაბიჯი, რომელსაც საელჩო დგამს, არის შესაფერისი თანამშრომლების გადაუდებელი შეხვედრა: "ისინი განიხილავენ ყველაფერს, რაც იციან კრიზისის შესახებ, რათა განსაზღვრონ, საჭიროა თუ არა უსაფრთხოების კიდევ უფრო გამკაცრება მიმდინარე სიტუაციაში."

სახელმწიფო დეპარტამენტის რეგიონული უსაფრთხოების ოფიცრები ხშირ შემთხვევაში კრიზისის დროს ამერიკელ

სამხედროებს ეყრდნობიან. ერთიან სარდლობას, ისეთი როგორც არის ამერიკის ცენტრალური სარდლობა, შეუძლია, დიპლომატიური ადგილები სამხედროებით უზრუნველყოს. მაგალითად, როგორც ეს გასულ კვირას მოხდა, როდესაც ანტიტერორიზმის უსაფრთხოების ჯგუფის საზღვაო ფლოტი ლიბიისკენ გადაადგილდა.

1998 წლის კენიაში ამერიკის საელჩოზე თავდასხმის გამოცდილებით, დალტონის აზრით, მიმდინარე საპროტესტო გამოსვლებიც უსაფრთხოების გაძლიერებას მოითხოვს. მისი თქმით, არაბული გაზაფხულის ერთ-ერთი შედეგი არის ის, რომ ამერიკა ამ რეგიონში მეტად "აღარ უნდა ენდოს მხოლოდ ჩვენს ურთიერთობას ქვეყნების რეჟიმებთან, რათა კარგად გააცნობიეროს, თუ რა ხდება მათ მიწაზე. განსაკუთრებით, მსოფლიოს ამ ნაწილში ამერიკა, მთავრობასთან ერთად, რაც უფრო მეტად ეცდება საზოგადოების სხვადასხვა ნაწილებთან ურთიერთობას, მით უკეთესად შეძლებს ქვეყანაში არსებული განწყობის გაგებას," - ხაზს უსვამს დალტონი.

და ბოლოს, ამერიკის ოფიციალური პირები ახლა იმ ჯგუფებს ხედებიან, რომელთაც შესაძლოა, საერთოდ არ გავლათ კონსულტაციები არაბულ გაზაფხულამდე. დალტონი დასძენს, რომ ამერიკას ნინსვლისათვის საჭიროება, უფრო გააფართოოს და გააღრმავოს მის წყაროებთან კავშირი, რათა უსაფრთხოებასთან დაკავშირებული რისკები შეამციროს.

# არაბული გაზაფხულის საფუძვლები

გასული წელიწად-ნახევარი ახლო აღმოსავლეთი ე.წ "არაბულმა გაზაფხულმა" მოიცვა. შედეგად ამ დროისათვის ოთხი ლიდერის გადაყენება მოხდა.

რამ გამოიწვია ეს პოლიტიკური ცვლილებები? მხოლოდ არაბული სამყაროში შემოიფარგლება, თუ შესაძლოა სხვაგანაც გავრცელდეს? საიდუმლო არ არის, რომ მოსკოვსა და პეკინში ხელი-სუფლება ყურადღებით აკვირდებიან მიმდინარე მოვლენებს და ცდილობენ ყველანაირად თავიდან აიცილონ საკუთარ საზოგადოებებში წინა-რევოლუციური მდგომარეობის არსებობა.

არაერთი მიმომხილველი აღნიშნავს, რომ რევოლუციების მამოძრავებელ მნიშვნელოვან ძალად სოციალური მედია ტექნოლოგიები იქცა. თუმცა, ეს ყველაფერი ინსტრუმენტები უფროა და არა რევოლუციების მიზეზი. ზოგიერთი "ალ-ჯაზირას" როლზე ამახვილებს ყურადღებას, რომელიც მნიშვნელოვან ყურადღებას უთმობს რევოლუციებს.

არაბულ სამყაროში პოლიტიკური მღელვარება ნამდვილად დიდი ხანია დაუღს, რომელიც ზოგჯერ ამბობებამდე გადაზრდილა, თუმცა ისეთი ძვრები არ მოუტანია, რომლის მოწმეც ცოტა ხნის წინ გავხდით. რატომ მოხდა რომ მუამარ კადაფის წინააღმდეგ აღმოსავლეთ ლიბიაში სიხარული წინ მომხდარი სხვა აჯანყებულებისაგან განსხვავებით ბენლახის აჯანყება მკვეთრად განსხვავებული შე-

დეგით დასრულდა?

ეგვიპტითა და ლიბიით რომ დავიწყოთ, აქ პოლიტიკურ მემკვიდრეობასთან დაკავშირებით უკმაყოფილება უფრო და უფრო იზრდებოდა. ეგვიპტის ყოფილი პრეზიდენტის ჰოსნი მუბარაკის მცდელობას მისი ვაჟი გამაღი პრეზიდენტად დაესვა - მნიშვნელოვანი წინააღმდეგობა მოჰყვა, მათ შორის სამხედროების მხრიდან.

რაც შეეხება ლიბიას - მუამარ კადაფის შვილებიდან ორს საიფ ალ-ისლამს და მუტასიმს ორივეს სურდათ მამის ჩანაცვლება. რეჟიმის რყევასთან ერთად ქვეყნის ელიტამაც დაშლა დაიწყო, რამაც 2011 წლის რევოლუციის წარმატებით დასრულებას დიდად შეუწყო ხელი.

რევოლუციების წარმატებით დასრულებას კორუფციის ზრდამაც შეუწყო ხელი. ჩვეულებრივ პირობებში გარკვეული დოზით კორუფციას შესაძლოა ყურადღება არ მიექცეს, თუმცა ეკონომიკურმა კრიზისმა ეს ქვეყნები არ დაინდო, განსაკუთრებით ეგვიპტე და ტუნისი. ხელისუფლებასთან დაახლოებული პირები საშუალო კლასის წარმომადგენლებს შესაძლებლობებს უღობავდნენ. როგორც ლეილა ბოუზიზი (ტუნისელი ხილით მოვაჭრე მოჰამედ ბოუზიზის და, რომლის თავგანწირვამაც არაბულ გაზაფხულს დაუდო სათავე) აღნიშნავდა: "მათ ვისაც კავშირები და ფული არ ჰქონდა ქრთამისათვის, ფაქტობრივად სიცოცხლის საშუალება მოესპოთ." სა-



ზოგადოების ყველა ფენა, განსაკუთრებით კი ლარიები ძალიან მიიმე მდგომარეობაში ჩაავდო საკვებზე ფასების მატებამ.

ეკონომიკურმა კრიზისმა ახალგაზრდების განწყობაზეც იმოქმედა. განათლებული ახალგაზრობა ნინსვლის გზას ვერ ხედავდა. იმ ახალგაზრდებმა, რომელთაც დასაკარგი არაფერი ჰქონდათ უბრალოდ გადაწყვიტეს შეწინააღმდეგებოდნენ ძველ რეჟიმს. უსაფრთხოების ძალების მხრიდან ძალადობის პირველი ინიციატივის შემდეგ მათ სახლში ნასვლა არ გადაიფიქრეს.

ამ მხრივ საინტერესოა რუსეთში "Pussy Riot" საქმე. მათთვის ორ წლიანი პატიმრობის მისჯა მთავარი გზავნილია ახალგაზრდა ბიზნეს კლასისთვის. პოლო თვეების განმავლობაში ახალგაზრდა რუსი მწარმეები ოპოზიციურ მოძრაობებს უახლოვდებიან. "პანკ გუფისთვის" გამოტანილი ვერდიქტი კი

არის იმის ნიშანი, რომ მათ "უნდა" გადახედონ ამ მხარდაჭერას: სურთ თუ არა მათ შენრონ საკუთარი შესაძლებლობები პუტინის მთავრობას წინააღმდეგ აქტიურ ქმედებას? თუმცა, ეს გათვლა უფრო ეკონომიკის ზრდის შემთხვევაში იმოქმედებს. ნებისმიერი ეკონომიკური დაღმასვლა პოლიტიკური მღელვარებას ზრდას შეუწყობს ხელს.

სიმყიდის ნიშნები ყველაზე დემოკრატიულ სისტემებშიც შეინიშნება. ინდოეთში მასობრივმა უშუქობამ, სამხრეთ აფრიკაში მუშათა მღელვარებამ და ევროპის ქვეყნებში მკაცრი ეკონომიის ზომებით გამოწვეულმა იმედგაცრუებამ, საპროტესტო მოძრაობების შექმნა რეალური გახდა. დაწყებული რუსეთიდან აშშ-ს ჩათვლით ამ ყველაფრის საერთო ფაქტორი ხალხის მიერ მთავრობისადმი ნდობის დაკარგვაა. ხალხს იმედი აღარ აქვს რომ მოქმედი პოლიტიკოსები პრობლემის გადაწყვეტას შეძლებენ. აქედან გამომდინარე, "არაბული გაზაფხული" შესაძლოა ფართო გლობალური ტენდენციის - "რყევის დღეების" ნაწილად იქცეს. ეს იქნება ორივე - დემოკრატიულ და ავტორიტარულ რეჟიმებთან დაპირისპირება მსოფლიოს მასშტაბით.

**ნიკოლას გოზდევი - საგარეო პოლიტიკის კომენტატორი "World Politics Review"-ს მიხედვით მოამზადა თამთა კახაძემ**

# მსოფლიოს არქიტექტურის ძვირადღირებული ძეგლები

## სამუნა გაბიძვი

ბრიტანელი სპეციალისტები მსოფლიოს მასშტაბით განსაკუთრებული არქიტექტურისა და სტილის მქონე პოპულარული სანახაობებით დაინტერესდნენ და შესაბამისი რეიტინგიც შეადგინეს.

როგორც ბრიტანული "ტელეგრაფი" წერს, ევროპის არქიტექტურული მონუმენტებიდან განსაკუთრებული პოპულარობით პარიზის სიმბოლო სარგებლობს, სწორედ ამიტომ კვლევის შედეგებსაც ეიფელის კოშკი ჩაუდგა სათავეში. იტალიის მონცასა და ბრიანცას სავაჭრო-სამრეწველო პალატის სპეციალისტებმა ეიფელი 435 მილიარდ ევროდ შეაფასეს. 1 050 ფუტის სიმაღლის

"რკინის ქალბატონის" პოპულარობა მისი აღმართვიდან (1889 წელი) დღემდე იმდენად მაღალია, რომ ტურისტებისგან მიღებული შემოსავალი საფრანგეთის მთლიანი შიდა პროდუქტის თითქმის მეხუთედს შეადგენს. სტატისტიკურად, ეიფელს ყოველწლიურად 8 მილიონი ტურისტი სტუმრობს. გამოქვეყნებულმა შედეგებმა ფრანგული მედიის აღფრთოვანება გამოიწვია, რასაც სიამაყით გამოეხიზნა "ფიგარო" და "ლიბერასიონი".

ფაქტი საინტერესოა თუნდაც იმის გამო, რომ პარიზის სიმბოლოს ღირებულებამ იტალიის კულტურული მემკვიდრეობის ძეგლსაც კი ბევრად გადააჭარბა. ამან კი, ცხადია, იტალიური მედია დიდად არ გაახარა. მიუხედავად იმისა, რომ კვლევა თავად იტალიელმა

სპეციალისტებმა ჩაატარეს, ეროვნული სიამაყის შეზღავანა წყნით გამოეხიზნა იტალიური მედია. როგორც ირკვევა, რომის კოლიზეუმს ექსპერტები მხოლოდ 91 მილიარდ ევროდ აფასებენ. კვლევის პირველ ხუთეულში ასევე ღირსეული ადგილი დაიკავეს ლონდონის თაუერმა და სთაუნჰენჯმა. ტაუერის ღირებულება 70 მილიარდ 500 მილიონ ევროდ შეფასდა, დრუიდებისთვის საკრალური თავყრილობის ადგილის ფასმა კი 10 მილიარდ 500 მილიონ ევრო შეადგინა.

ევროპის ღირსშესანიშნაობებიდან სპეციალისტებმა ასევე არ დაივიწყეს ისეთი ძეგლები, როგორებიცაა მილანის დუომოს კათედრალი (82 მილიარდი ევრო) და მადრიდში პრადოს მუზეუმი, რომელიც 59 მილიარდ ევროდ

შეაფასეს.

თუმცა, რადგან ჯერი ტურისტებისთვის საინტერესო და ადგილობრივებისთვის საამაყო ღირსშესანიშნაობებზე მიდგა, ევროპელმა სპეციალისტებმა გადაწყვიტეს, ჯეროვანი პატივი ოკეანის გაღმა მდებარე არქიტექტურული ნიმუშებისთვისაც მიეცათ და ამერიკის შეერთებული შტატების ნომერ პირველი შენობა - თეთრი სახლი შეაფასეს. მსოფლიო ჰეგემონის პირველი პირის რეზიდენცია 81 მილიარდ ევროდ შეფასდა. რაც შეეხება ჰეგემონობაზე პრეტენზიის მქონე კიდევ ერთი სახელმწიფოს ღირსშესანიშნაობას, ისტორიული მნიშვნელობისა და თუნდაც საკმაოდ შემაფოთებული დატვირთვის მიუხედავად, ზემოაღნიშნულ სიაში კრემლი ვერ მოხვდა. შესანიშნავი შეი-

დეული კი შემდეგნაირად გამოიყურება: 1. ეიფელის კოშკი; 2. კოლიზეუმი; 3. კათედრალი საგრადა ფამილია; 4. დუომოს კათედრალი; 5. ლონდონის ტაუერი; 6. მუზეუმი პრადო; 7. სთაუნჰენჯი. გამორჩეული არქიტექტურული სტილის ძეგლების შეფასებისას სპეციალისტებმა 10 სხვადასხვა პარამეტრი გამოიყენეს, შეფასების კრიტერიუმებს შორის კი - ე.წ. ტურისტული ინდექსი, რომელიც ღირსშესანიშნაობის ეკონომიკურ ღირებულებას, მონუმენტის პოპულარობას, მნახველთა ნაკადსა და ეკონომიკური მიმზიდველობის ინდექსს ეფუძნება. სპეციალისტებმა ასევე გაითვალისწინეს ღირსშესანიშნაობის დამახასოებელი მემკვიდრეობის ადგილების რაოდენობა და პროდუქციის საექსპორტო ღირებულება.

| 0% - ღან

შეიძინეთ  
ახალი ან მეორადი  
ავტომობილი



 ბანკი რესპუბლიკა  
BANK REPUBLIC  
ავტო სესხების განყოფილება

290 90 90  
\* 90 90  
BR. GE

# დედაქალაქში „ბანკ კონსტანტას“ ორი ახალი სერვის ცენტრი გაიხსნა



ბანკმა კონსტანტამ“ დედაქალაქში ორი ახალი სერვის ცენტრი გახსნა. ერთი მოსკოვის პროსპექტზე N1-ში, მეორე კი ჭავჭავაძის N8-ში. სერვის-ცენტრების გახსნა, დედაქალაქში ბანკი კონსტანტას“ მიერ მომხმარებლებისთვის შეთავაზებულ პროდუქტებზე მზარდმა მოთხოვნამ განაპირობა.

სერვის-ცენტრები?“ბანკი კონსტანტას“ მიერ შექმნილი ახალი კონცეფციის მიხედვითაა გაკეთებული. კონცეფცია შემუშავებულია მომხმარებლისთვის მყუდრო და მეგობრული ატმოსფეროს შესაქმნელად და ითვალისწინებს განახლებულ დიზაინსა და მომსახურების მაქსიმალურ კომფორტიზაციას. განახლებული დიზაინის გარდა, კონცეფცია ფილიალებსა და სერვისცენტრებში საქართველოში მოღვაწე უხუცესი ლოტბარების პორტრეტებისა და ქვეყნის სხვადასხვა კუთხისთვის დამახასიათებელი საქმიანობის ამსახველი ფოტოების განთავსებას გულისხმობს. ფოტოები ემსახურება საქართველოს კუთხეებს შორის ინფორმაციის გაცვლის იდეასა და ბანკ კონსტანტას“ ერთ-ერთი ძირითადი მიმართულების, ქართული ფოლკლორის პოპულარიზაციის მიზანს. სერვისცენტრი ახალი კონცეფციის მიხედვით მოეწყო. ჩვენ ნელნელა

უარი ვთქვით ფილიალებსა და სერვისცენტრებში სარეკლამო ინფორმაციის განთავსებაზე, რადგანაც გვინდა, რომ მომხმარებლებს მეგობრული და მყუდრო ატმოსფერო შევუქმნათ. სწორედ ამიტომ გამოვფინეთ ფოტოები, სადაც ასახულია უხუცესი ქართველი ლოტბარების პორტრეტები და საქართველოს სხვადასხვა კუთხისთვის დამახასიათებელი საქმიანობები,” - გვითხრა ბანკი კონსტანტას“ საზოგადოებასთან ურთიერთობის მენეჯერმა ქეთო გიორგო-

ბიანმა. “ბანკი კონსტანტას“ სერვისცენტრები უახლოესი ფილიალის დაქვემდებარებაში მყოფი მომსახურების პუნქტებია და თბილისის მაცხოვრებელთათვის საბანკო მომსახურების მარტივად მიღების მიზანს ემსახურება. შესაბამისად, ადგილობრივ მოსახლეობას ნებისმიერი სახის საბანკო მომსახურებით სარგებლობა უკვე უზნიდან გაუსვლელა დაშეძლება. მთელი ქვეყნის მასშტაბით ფილიალების და სერვის ცენტრების ქსელის გაფართოვება, ჩვენს

პროდუქტებზე მოსახლეობის მხრიდან მზარდი მოთხოვნით არის განპირობებული. მომხმარებელთან უფრო ახლოს მისვლა ბანკი კონსტანტას“ სტრატეგიაა. ჩვენ გვსურს, რომ კლიენტებს ყველა საბანკო მომსახურება ადგილზე მივანოდოთ, ჩვენი წვლილი შევიტანოთ მათი და შესაბამისად ქვეყნის ბიზნესის განვითარებაში,” - გვითხრა ბანკი კონსტანტას“ ვაჟა-ფშაველას ფილიალის მმართველმა, ირაკლი ბალოშვილმა. აღსანიშნავია, რომ ვაკის სერვისცენტრი

სწორედ ამ ფილიალის დაქვემდებარებაშია.

დღეისათვის დედაქალაქში ბანკ კონსტანტას“ 8 ფილიალი და 2 სერვისცენტრი მოქმედებს.

ფილიალების ქსელის განვითარება შეუქცევადი პროცესია. მიმდინარე წლის ბოლომდე, საქართველოს მასშტაბით, კიდევ რამდენიმე ახალი ფილიალის გახსნა და არსებული განახლება გვაქვს დაგეგმილი. აღნიშნული პროცესი მხოლოდ ფილიალების რაოდენობის ზრდას არ გულისხმობს: შემუშავდა კონცეპტუალურად სრულიად ახალი - იდენტური ნიშნის მატარებელი ფილიალების სტრუქტურა, სადაც ჩვენი კლიენტებისთვის ყველა პირობაა შექმნილი კომფორტისა და უმაღლესი ხარისხის ფინანსური მომსახურების მისაღებად. ვიმედოვნებთ, რომ ახალი ფილიალი თბილისის მოსახლეობას კიდევ უფრო შეუწყობს ხელს საკუთარი ბიზნესის განვითარებაში,” - განაცხადა ბანკი კონსტანტას“ გენერალურმა დირექტორმა, ლევან ლე-ბანიძემ.

გასულ კვირას ბანკმა კონსტანტამ“ ორი ახალი სერვის ცენტრი მარტყოფსა (გარდაბნის რაიონი) და კაბალში (კახეთი) გახსნა. დღეისათვის ბანკს საქართველოს მასშტაბით ჯამში 42 ფილიალი და სერვის ცენტრი აქვს. კიდევ ორი სერვისცენტრი ორ კვირაში გაიხსნება. წლის ბოლოსთვის კი მომხმარებლებს საბანკო მომსახურების მიღება ქვეყნის მასშტაბით ბანკი კონსტანტას“ 50-მდე ფილიალსა და სერვისცენტრში შეეძლება.

## BP - საქართველოს მხარდასაჭერად

ჩვენ გვვამაყვება, რომ ხელს ვუწყობთ საქართველოს სპორტსმენების წარმატებას 2012 წლის ლონდონის ოლიმპიურ და პარაოლიმპიურ თამაშებში. BP. ჩვენი წვლილი ქვეყნის წარმატებაში



ოლიმპიური პარაოლიმპიური

ნიკოლოზ ავალიძე, ვარლამ ლაპაჩვიანი, დავით შარვაშიაძე, შოთა იმინაშვილი, იაგო კორციკი, ლევა კოლოფანი



# სსიპ კონსტიტუციონალიზმის კვლევისა და ხელშეწყობის რეგიონალური ცენტრი

პირველი რეგიონალური ორგანიზაცია კონსტიტუციონალიზმის სფეროში ხელმძღვანელი ავთანდილ დემეტრაშვილი

## „კონსტიტუციონალიზმის ბაკვეთილები“

წაკითხე → შეიმეცნე → დაიმახსოვრე

### ყოველკვირეული რუბრიკა

უძღვება კონსტიტუციონალიზმის კვლევისა და ხელშეწყობის რეგიონალური ცენტრის ხელმძღვანელი ავთანდილ დემეტრაშვილი საქართველოს კონსტიტუციის 73-ე და 74-ე მუხლებს განმარტებით იხილავთ გაზეთ (24 საათის) შემდეგ ნომრებში.

II საერთაშორისო სტუდენტური ოლიმპიადა ეროვნულ და შედარებით კონსტიტუციურ სამართალში.

5 – 9 სექტემბერს ბათუმში, სასტუმრო „ინტურისტ პალასში“ ჩატარდა კონსტიტუციონალიზმის კვლევისა და ხელშეწყობის რეგიონალური ცენტრის მიერ ორგანიზებული II საერთაშორისო სტუდენტური საზაფხულო სკოლა თემაზე - ეროვნული და შედარებით კონსტიტუციური სამართლის დილემები. საზაფხულო სკოლაში მონაწილეობდნენ II საერთაშორისო სტუდენტური ოლიმპიადის მონაწილეები. საზაფხულო სკოლაში სტუდენტები მოაწოდებენ სულხან-საბა ორბელიანის სახელობის სასწავლო უნივერსიტეტმა. საზაფხულო სკოლაში ლექციები წაკითხეს - კონსტიტუციონალიზმის კვლევისა და ხელშეწყობის რეგიონალური ცენტრის ხელმძღვანელმა, პროფესორ-ემირიტუსმა ავთანდილ დემეტრაშვილმა, აჭარის ავტონომიური რესპუბლიკის უმაღლესი საბჭოს იურიდიულ და საპროცედურო საკითხთა კომისიის თავმჯდომარე პეტრე ზამზახიძემ და ღონისძიებაში მონაწილე სახელმწიფოთა დელეგაციების ხელმძღვანელებმა.



ავთანდილ დემეტრაშვილი - კონსტიტუციონალიზმის კვლევისა და ხელშეწყობის რეგიონალური ცენტრის ხელმძღვანელი, პროფესორ-ემირიტუსი. თემა - „საქართველოს კონსტიტუციის ახალი რედაქციის დილემები“ პეტრე ზამზახიძე - აჭარის ავტონომიური რესპუბლიკის უმაღლესი საბჭოს იურიდიულ და საპროცედურო საკითხთა კომისიის თავმჯდომარე. თემა - „აჭარის ავტონომიური რესპუბლიკის სტატუსი საქართველოში“

საქართველო



ბადრი ნაკაშიძე - მოსკოვის მ. ლომონოსოვის სახელობის სახელმწიფო უნივერსიტეტი. თემა - „თანამედროვე რუსეთის ტერიტორიული მოწყობის ზოგიერთი კონსტიტუციუ-სამართლებრივი ასპექტი“

რუსეთი



პროფესორი ელზად ნასიროვი - ბაქოს სახელმწიფო უნივერსიტეტი. თემა - „საარჩევნო კანონმდებლობის ფორმირება და განვითარება აზერბაიჯანის რესპუბლიკაში დამოუკიდებლობის მოპოვების შემდეგ“

აზერბაიჯანი



ჯეკ ვაჰან ზურნაზიანი - ამერიკული უნივერსიტეტი ხომხეთში. თემა - „თანასწორობის შეფასება: კონსტიტუციონალიზმი, საზოგადოებრივი თანხმობა და პირადი უფლებები“

სომხეთი



პროფესორი გიორგი ბლიზნაშვი - სოფიის სახელმწიფო უნივერსიტეტი. თემა - „ხელისუფლების რეგულირების საკითხები ბულგარეთში“

ბულგარეთი



მარინა მიხროვსკა - ტ. შევჩენკოს სახელობის კიევის სახელმწიფო უნივერსიტეტი. თემა - „უკრაინაში აღმასრულებელი ხელისუფლების ორგანიზაციის რეფორმირების ადმინისტრაციულ-სამართლებრივი რეგულირება“

უკრაინა



პროფესორი გიორგი ავორნიკი - კიშინიოვის სახელმწიფო უნივერსიტეტი. თემა - „მოლდოვის რესპუბლიკის სახელმწიფო აპარატი: მეცნიერულ-შედარებითი ანალიზი“

მოლდავეთი

ყოველი კონკრეტული თემის გარშემო გაიმართა დებატები.

საზაფხულო სკოლის მონაწილეებმა სასწავლო პროგრამისგან თავისუფალ დროს დაათვალიერეს აჭარის ავტონომიური რესპუბლიკის ღირსშესანიშნაობები, ბათუმის დელფინარიუმი, გაისეირნეს გემით და ეწვივნენ იუსტიციის სახლს, სადაც გადაეცათ საქართველოს მოქალაქის სიმბოლოური პასპორტები.





# სატელევიზიო კარის თამაში

პირველი გვარდიანს

"ემით" დაჯილდოების ცერემონიალი 23 სექტემბერს ტრადიციულად ლოს ანჯელესშია დაგეგმილი. თუ ტელევიზიის მიმართ ჩვენი მაყურებლის ინტერესსაც გავითვალისწინებთ, ალბათ ზედმეტი არ უნდა იყოს იმის შესხენება, თუ კონკრეტულად ვინ და ვისი პროდუქტი შეეცდება წლის საუკეთესოს სტატუსის მოპოვებას (ქვემოთ მხოლოდ ძირითად ნომინაციებს შეგახსენებთ, რადგან "ემის" ნომინაციების სიმრავლე და ზოგიერთის აბსურდულობა მუსიკალური "გრემისას" არ ჩამოუვარდება).

როგორც გითხარით, დრამატული სერიის ნომინაციის ერთ-ერთი მთავარი "მოთამაშე" თვით მარტინ სკორსეზესა და მარკ უოლბერგის პროდუსერობით შექმნილი "მინისქვეშა იმპერიაა". თუმცა აქედანვე შეიძლება ითქვას, რომ ხარისხისა და პოპულარობის მიუხედავად მას გამარჯვების შანსი პრაქტიკულად არ აქვს, რადგან "დაუტონის საბატოს", "მძიმე დანაშაულისა" და "შეშლილების" გარდა კონკურენტებად "სამეფო კარის თამაში" და "სამშობლო" ჰყავს. ეს უკანასკნელი შაშანდელი "ოქროს გლობუსის" ტრიუმფატორია, რომელმაც ერთგვარი სასწაულიც კი მოახდინა, როდესაც პირველივე სეზონით შეძლო ზემოთ ჩამოთვლილი კონკურენტების დამარცხება. იმსახურებდა კიდევ - "სამშობლომ" ღირსეულად გაიმარჯვა, რითაც "ტრონების" მხურვალე ფანები პირში ჩალა-



გამოვლებული დატოვა.

სერიოზული ჯახია მოსალოდნელი კომედიური სერიის ნომინაციამაც, სადაც "დიდი აფეთქების თეორია" და "თანამედროვე ოჯახის" დაპირისპირება, სავარაუდოდ, მართლაც მასშტაბურ აფეთქებას გამოიწვევს. აქვე არც "გლობუსის"

მრავალგზის გამარჯვებული "30 დარტყმა" უნდა დაგვაინყდეს, რომლის მსახიობების, ტინა ფეისა და ალექ ბოლდუინის სახელები კვლავაც იკითხება საუკეთესო კომედიური მსახიობის ნომინაციაში და აქვეა ბოლდუინის მთავარი "მტერი", სრულიად არანორმალური

ჯიმ პარსონსიც "დიდი აფეთქების თეორიიდან". ასევე ნომინირებული არიან "სამშობლოს" მსახიობი, შარშანდელი "ოქროს გლობუსის" გამარჯვებული კლერ დეინსი, ელიზაბეტ მოსი და კრისტინა ჰენდრიქსი "შეშლილებიდან", ასევე "გლობუსის" მფლობელი სტივ ბუ-

შემი "იმპერიისთვის" და, ცხადია, პიტერ დინკლეიჯი - ტირონ ლანისტიერის როლის შემსრულებელი ეპიკურ "სამეფო კარის თამაში". თუ დრამაში მამაკაცის მეორეხარისხოვანი როლის ნომინაციას გადავხედავთ, რეალური კონკურენტი დინკლეიჯს კვლავაც არ ჰყავს, თუმცა "შეშლილების" უკანასკნელი სეზონის ყველაზე დრამატული პერსონაჟის, ლეინ პრასის როლის შემსრულებელი ჯარედ ჰარისი შესაძლოა სწორედ იმ ჩასაფრებულ ვეფხვად იქცეს, რომელიც სცენაზე ასასვლელად გამზადებული "ნახევარკაცას" ჯილდოს აართმევს.

სავარაუდოდ დააფასებენ დემიან ლუისსაც "სამშობლოში" შესრულებული როლისთვის, თუმცა ამ მსახიობს უკვე ნახსენები სტივ ბუშემის ან მაიკლ სი ჰოლის ("დექსტერი") სახით სერიოზული კონკურენტები ეყოლება. არ არის გამორიცხული, ჯილდო "დაუტონის საბატოს" მსახიობ ჰიუ ბონვილსაც მიაკუთვნონ, რადგან ეს უკანასკნელი არაჩვეულებრივად ახერხებს მუდამ კეთილშობილი და ზოგჯერ გამაღიზიანებლად გულისხმიერი პერსონაჟის შექმნას.

შეგახსენებთ, რომ შარშანდელი "ემის" ტრიუმფატორი კომედიური სერიის ნომინაციაში "თანამედროვე ოჯახი" გახდა, ხოლო დრამის ნომინაციის ფავორიტად მართლაც შესანიშნავი "შეშლილები" დასახელეს, რომელმაც "სამეფო კარის თამაშის", "მინისქვეშა იმპერიისა" და "დექსტერის" დამარცხება შეძლო.

# სალმან რაშდის თავის საფასური გაიზარდა

ირანულმა ორგანიზაციამ "15 ივნისის ფონდმა" გაზარდა დაწესებული ჯილდო ინგლისელი მწერლის სალმან რაშდის მოკვლავზე. როგორც სააგენტო Associated Press -ი იუწყება, ამის შესახებ გუშინ რამდენიმე ირანული გაზეთი წერდა. სალმან რაშდის თავის საფასური 500 ათასი დოლარით გაიზარდა და ახლა უკვე 3,3 მილიონს შეადგენს. ამ ფულს ირანული ორგანიზაცია ნებისმიერ ადამიანს ჰპირდება, ვინც კი აიათოლა ჰომეინს ალთქმულის შესრულებაში დაეხმარება. როგორც ვიცით, 1989 წელს ჰომეინმა რაშდის ღვთისგმობაში დასდო ბრალი ნიგნისათვის "სატანური ლექსები" და მისი მოკვლა "საღვთო საქმედ" გამოაცხადა. ნიგნის შეტანა აიკრძალა ინდოეთში, პაკისტანში, სამხრეთ აფრიკის რესპუბლიკაში, სინგაპურსა და სხვა მუსლიმურ ქვეყნებში.

იუწყება, მაშინ რაშდიზე დაწესებული ჯილდო მილიონი დოლარი იყო, მაგრამ ეს თანხა თანდათან გაიზარდა. ეს უკანასკნელი დანამატი გამოიწვია ანტიისლამური ფილმის "მუსლიმანის უმანკოების" გარშემო ატეხილმა სკანდალმა. არადა საფრთხე ნამდვილად სერიოზულია. რამდენიმე თვის წინ სალმან რაშდიმ თავი შეიკავა ინდოეთის ლიტერატურულ ფესტივალზე ჩასვლისგან, სადაც იგი სიტყვით უნდა გამოსულიყო. მის ჩასვლასთან დაკავშირებით ინდოეთის მუსლიმი მოსახლეობა საპროტესტო აქციის მოწყობას აპირებდა.

რაშდის ინდოეთში ჩასვლა გააპროტესტეს დარ ულ-ულიუმ დეობანდის უნივერსიტეტის წარმომადგენლებმაც, რომელიც ერთ-ერთი მსხვილი უნივერსიტეტი და ისლამისტური ცენტრია ინდოეთში. მიუხედავად იმისა, რომ კანონის მიხედვით, ინდო-



ეთში დაბადებულს იქ ჩასვლის უფლება ყოველთვის აქვს, უნივერსიტეტის წარმომადგენლებმა მთავრობას მოსტხოვეს, რაში ქვეყანაში არ შემოეშვა, წინააღმდეგ შემთხვევაში, მუსლიმები აქციებს გამართავდნენ. სწორედ ეს მოთხოვნა გახდა მიზეზი, რომ რაში ფესტივალის მონაწილეთა სიიდან ამოშალეს. რაში იძულებული გახდა, ინდოეთის მთავრობისათვის ყური დაეკოვრა და თავი საფრთხეში არ ჩაეგდო.

სალმან რაში ბომბეში დაიბადა 1947 წელს, ხოლო 14 წლიდან იგი დიდ ბრიტანეთში ცხოვრობს. მის ნიგნებს სხვადასხვა პრესტიჟული პრემია აქვთ მიღებული, მათ შორის რომანმა "შუალამის შვილები" 1981 წელს ბუუკერის პრემია დაიმსახურა, შემდეგ კი ორჯერ დასახელდა ამ პრემიის არსებობის ისტორიაში საუკეთესო ნიგნად.

24 საათი

# რომანის წერა მკითხველთა თვალწინ

ბელა ჩაქარაიშვილი

ბრიტანელი მწერალმა სილვია ჰარტმანმა გადაწყვიტა, დაწეროს რომანი ფენტეზის ჟანრში და ამისათვის Google Docs-ის ტექსტური რედაქტორი გამოიყენოს. რომანის სათაურია "დრაკონთა მბრძანებლები" (The Dragon Lords), რომლის პირველი რვა თავის შავი ჩანაწერები მწერალს უკვე გაკეთებული აქვს.

სილვია ჰარტმანის ეს ნამოწვება იმითაა საინტერესო, რომ ინტერნეტ-მომხმარებლებს შეუძლიათ, Google Docs-ის დახმარებით, პირდაპირ ადევნონ თვალი მის შექმნას. როგორც ჰარტმანმა განაცხადა, მკითხველებს შეუძლიათ კომენტარების სახით ტექსტის ქვეშ დაწერონ შენიშვნები და გამოთქვან შეხედულებები. გაზეთ "გარდიანის" მიმოხილველი, რომელმაც ჰარტმანის რომანის შესავალი ნაწილი უკვე წაიკითხა, მას სრულ სისულელეს უწოდებს, მაგრამ

იმედს გამოთქვამს, რომ მწერალი ამ შავ მასალას გზადაგზა დაამუშავებს და საინტერესო სახეს მისცემს. რომანი იწყება ფრაზით: "მისის დელჰანი ყოველ დღით ბილიკზე შიშველ მამაკაცს აღმოაჩენდა ხოლმე..."

სილვია ჰარტმანის კალამს ეკუთვნის ეზოთერიკული ხასიათის ნამუშევრები და ფენტეზის ჟანრის რამდენიმე ნაწარმოები, მათ შორის ტრილოგია "სოკოების წვიმა", "ვამპირების ბუნიობა" და "ოქროს ცხენი". მათი ნახვა დაინტერესებულ მკითხველს ინტერნეტში შეუძლია.

Google Docs -ის ტექსტური რედაქტორი შედის Google Apps-ის ვებ-დანართის პაკეტში, რაც გულისხმობს, რომ ერთსა და იმავე დოკუმენტზე რამდენიმე მომხმარებელს ერთდროულად შეუძლია მუშაობა. რასაკვირველია, ავტორს აქვს უფლება, გარეშე პირებს ტექსტში ჩაწერვა აუკრძალოს, განხილვისა და შენიშვნებისათვის კი "კომენტარების" ფუნქცია გამოიყენოს.

ამგვარი ონლაინ ტექსტები ბოლო პერიოდში სახალისო ნამოწვება გახდა ინტერნეტსერვერებში. შემდეგ უბრალო გართობის ფორმატს გასცა და მწერლებისათვის შემოსავლის წყაროდ იქცა. მართალია, სილვია ჰარტმანის ნამოწვებისგან განსხვავებით, მკითხველი ყოველ პნკარს თვალს ვერ ადევნებს, მაგრამ შესაბამის ვებგვერდზე დარეგისტრირებისა და გარკვეული საფასურის გადახდის შემდეგ, მას შეუძლია იმ ნაწილის წაკითხვა, რასაც მწერალი უკვე დამუშავებული სახით გამოაქვეყნებს. როცა ტექსტი მკითხველთა ინტერესს იწვევს, მწერლებიც სწრაფი ტემპით მუშაობენ და შემოსავალიც იზრდება. ამგვარი ონლაინ-პროდუქცია იმითაა საინტერესო, რომ მკითხველი იქვე გამოტყვამს საკუთარ აზრს და მწერალიც, შეძლებისდაგვარად ითვალისწინებს. მსგავსი ტექსტების შექმნის პრეცედენტი საქართველოშიც შედგა: ილიას უნივერსიტეტის ინიცი-

ატივით, რამდენიმე თვის წინ დაიწყო პროექტი "LIBRI VIVI - ცოცხალი ნიგნები", რომლის მიზანი ერთი მხრივ მკითხველის დაინტერესება, მეორე მხრივ კი მწერალთა ხელშეწყობაა. შეიქმნა სპეციალური პორტალი [www.librivivi.ge](http://www.librivivi.ge), სადაც შესაძლებელია, მწერლისა და მკითხველის დიალოგი. როგორც მაშინ ილიას უნივერსიტეტის რექტორმა გიგი თევზაძემ გვითხრა, ამგვარი პროექტი ხელს მკითხველის ნიგნთან დაახლოებას უწყობს ხელს, ამავე დროს, ამ ტექსტების ფასი გაცილებით იაფია, ვიდრე ნაბეჭდი გამოცემის, ან თუნდაც ელექტრონული ნიგნის.

ევროპული გამოცდილებით თუ ვიმსჯელებთ, ახალგაზრდები აქტიურად სტუმრობენ ამგვარ საიტებს, ჰყავთ საყვარელი ავტორები, რომელთაც ელოდებიან და ბუნებრივია, გარდა იმისა, რომ მათთან დიალოგი ეამაყებათ, ამ დიალოგში ბევრ რამეს სწავლობენ კიდევ. რაც

შეეხება "ცოცხალი ტექსტების" ხარისხს, თუკი დაფიქრდებით, მათზე ხელალებით ეჭვის შეტანაც მცდარი იქნება, რადგან უამრავი დაწესილი ნიგნი გაქრა დროსთან ერთად, უამრავი კი ვერც თანამედროვეთა და ინტერესებს ახერხებს. ხოლო თუ იმ ტენდენციასაც გავითვალისწინებთ, რომ თანამედროვე მწერლები ისედაც ათავსებენ ახლად შექმნილ ტექსტებს ინტერნეტსაიტებზე და მკითხველთა კომენტარებზეც მგრძობიარედ რეაგირებენ.

LIBRI VIVI-ის პროექტში თავიდანვე ჩაერთვნენ ზაზა ბურჭულაძე, ლაშა ბულაძე, ანა კორძაია-სამადაშვილი, აკა მორჩილაძე და ნინო ტეფნაძე. ვნახოთ, რამდენად ეფექტურად იმუშავებს ქართულ რეალობაში "ცოცხალი ნიგნების" პროექტი, როგორც მწერლების მხიდან, ისე მკითხველთა. ეს ის შემთხვევაა, როცა მკითხველი და ავტორი გზის თავსა და ბოლოში კი არ დგანან, ამ გზას ერთად მიუყვებიან.

# ჩემპიონთა "ლიგაშისი"

პირველი გზარდიდან

"საბადელთან" 12:11 და ბელარუსის "ვიტებსკთან" 16:6. მაგარი იყო. ჩომახიძე ამ გუნდის მთავარი მწვრთნელი და კლასია.

"ლიგაშისი" ესპანელებთან ცოტა მძიმედ შედის თამაშში და მეორე პერიოდში "საბადელი" 7:2 იგებს. ლამაზად, სწრაფად იგებს. გრძელი პასები, ძირითადად, ფლანგებიდან გასროლებით გადის გოლები და ესპანელები ესპანურად იგებენ. პერიოდის დახურვამდე 3 წუთი რჩება და ამ დროში "ლიგაშისმა" აკრიფა. გადის ხუთი გოლი. ხუთი შეტევიდან. ასიანი შედეგი და პირველი ტაიმის შემდეგ 7:7 გვაქვს. ცუდი თამაშით, უყურადღებო დაცვით, შეცდომებით მაინც არ ვაგებთ და შემდეგ ორ პერიოდში უნდა ავკრიფოთ. ესპანელების სამ კაცს 2-2 ფოლი აქვს.

"საბადელი" ცოტა დაილაღა და მესამე პერიოდის სტარტზე გალაქტიონ ლაითაძემ და ტატო ნიკოლეიშვილმა თითო შეაგდეს. "ლიგაშისმა" 11:9 ნაიყვანა. უკეთესი თამაშით. "საბადელის" კიდევ ორ კაცს აქვს ორი ფოლი და ბოლო პერიოდი, იდეაში, მარტივად უნდა დაეხუროთ. "ლიგაშისი" აგრესიას აკონტროლებს და "საბადელი" ყველაფერს უფრო ნელა, უემოციოდ აკეთებს. "საბადელი" წინა დონეზე დარჩა.

ესპანელების რუსტერში ერთმა კაცმა სერიოზულად შეასრულა. გონსალო ოსკარ ეხენიკე საქმეს აკეთებდა და დაცვაშიც სოლიდურად იდგა. არგენტინელი, რომელიც ესპანეთში პოპულარულია და ეხენიკემ "ლიგაშისთან" 6 გოლი აკრიფა. შორიდან, ცენტრის პოზიციიდან, ფლანგიდან, ორი კაცის მხრიდან დისკომფორტის დროს. ბიჭი (22 წლის) ყველაფერს მაღალ დონეზე და მშვიდად ასწრებდა. ეხენიკესთან ერთად, პრობლემები შექმნა, "საბადელის" ავანტიურა, სენიორ ივან მარტინ კარაბანტესმა. კლუბის ერთ-ერთი ლიდერი ფორმაში იყო. შარშან, ესპანეთის თასის ფინალში "საბადელმა" 11:10 მოუგო "ბარსელონას". მძიმე, რთულ თამაშში. სამი პერიოდის შემდეგ "საბადელი" 6:7 აგებს და ბოლო 8 წუთში გუნდმა მოუმატა. იმ ფინალში ეხენიკემ ერთი გოლი გაიტანა. კარაბანტესს საერთოდ არ უთამაშია. "ლიგაშისთან" სხვა გუნდი იყო აუზში და "საბადელის" ძირითადი რუსტერი რეალურად, სხვა დონეა. ბევრად მაღალი, ვიდრე ჩემპიონთა ლიგის საკვალიფიკაციო ეტაპი. მეორე ეტაპზე უკვე რთული იქნება.

"ლიგაშისი" იგებს 11:10 და რჩება 2 წუთი. კიდევ ერთი გოლის შემდეგ ესპანელებს ცოტა დრო რჩებათ და დავიდ რომერომ ბოლო ნაშზე საბოლოო ანგარიში დასვა - 12:11 იგებს რეზო ჩომახიძის გუნდი და გადის საკვალიფიკაციოდან ფინალურ ეტაპზე. უბრალოდ, ბოლო თამაშში უნდა გაავარკვიოთ, რომელ ჯგუფში მივდივართ. ორი ვარიანტია. თუ ვიგებთ, ჩვენთვის უკეთეს ბილეთს ვიღებთ. ნაგებით პერსპექტივას ვირთულებთ. "ლიგაშისი" ბოლო გასეირნებაში ბელორუსის "ვიტებსკთან" დაილაპარაკებს. ჩომახიძეს "ვიტებსკზე" უკეთესი გუნდი ჰყავს და ოთხ მეოთხედში "ლიგაშისმა" მეტი უნდა მოასწროს, მეტი გოლი გაიტანოს, ნაკლები შეცდომა დაუშვას. "ვიტებსკთან" "საბადელმა" ვერ ითამაშა, დაისვენა, მწვრთნელებმა აგრესია და მულამი "ლიგაშისისთვის" დაიტოვეს და ეხენიკეს ახლობლებმა ჩვენთან ცოტა ვერ გაძლეს. "ლიგაშისმა" გადაჯოკრა და ესპანელებთან გარჩევა ტურნირის ყველაზე საინტერესო, მთქმელი თამაში იყო. ქართული კლუბი ჩემპიონთა ლიგის ძირითადის ვიზას იღებს.

ბელარუსელებიც ნორმალური გუნდით ჩამოდიან. უგებენ ესპანე-



ტატო ნიკოლეიშვილმა ტურნირი სტაბილურად დახურა

ლებს და ესპანელები იქ ცოტა არასერიოზულად თამაშობენ. ნუ, ასე ჩანდა. გუნდი, რომელიც თითქმის უგებს "ლიგაშის", ვერ უნდა აგებდეს "ვიტებსკთან". გუნდი, რომელიც ესპანეთის თასის ფინალში "ბარსელონას" ღლის, მეორე შემადგენლობითაც აჭრის ბელარუსის ნაკრებს. "ვიტებსკი" არ არის ნაკრები და უგებს "საბადელს". ცოტა ალოგიური თემაა.

"ლიგაშისმა" ბოლო თამაში 16:6 დაამთავრა. ჩემპიონთა ლიგაზე მწვანე ბარათი მოგვცეს.

მაგარი საინტერესო გუნდი ჩა-

მოიყვანა პოლონურმა "არკონიამ". გუნდი მწვრთნელის, ექიმის გარეშე. ბიჭები აუზში ჩადიდნენ, თამაშობდნენ, აგებდნენ და არ ნერვიულობდნენ. რალაც მომენტებში ნორმალურად აკეთებდნენ ყველაფერს და ცოტა მერე, იღლებოდნენ. "არკონიამ" ცუდად ითამაშა. რეალურად, ალბათ, უკეთ შეეძლო.

ბოლო დღეს, "საბადელის" კარში ის ტიპი იდგა, ჩვენ რომ 6 გოლი დავგიტოვა. ეხენიკე კარშიც ნორმალურად მოძრაობდა, შეცდომები არ დაუშვია და "საბადელმა" "არკონიას" ყური აუწია. კლასით, ელეგან-

ტურად აუწია. "საბადელი" ჯგუფში მესამეზე დაჯდა და ლენ ტროფიზე ითამაშებს. იქ, ძირითადის ხალხით ერთ-ერთი ფავორიტი იქნება.

"ლიგაშისი" ჩემპიონთა ლიგის პირველ ეტაპზე A ჯგუფში ჩაჯდა. ვხვდებით ჰოლანდიურ "შურმანს", საბერძნეთის გრანდს "ვული-აგმენის", რუსულ "სპარტაკს", რომელიც ვოლგოგრადიდან არის. იქვე დაგვისევს უნგრული ტირანოზავრი "იეგერი" და "ჰანოვერი", რომელიც ჰანოვერიდან მოდის. სოლიდური ჯგუფი. თითო გუნდს დაველაპარაკებით ორჯერ, შენი და სხვისი



"საბადელს" დისკომფორტი ალექსანდრე ურუშაძემაც შეუქმნა

აუზის პრინციპით. თბილისში რამდენიმე თამაში გვაქვს მოსაგები და შეიძლება შემდეგ ეტაპზე გავიდეთ. ჯგუფიდან მერვედფინალში ოთხი გუნდი გადის. "იეგერი" და ბერძნები იფავორიტებენ და იდეაში, თითქმის გასულელები არიან. დანარჩენებთან თამაში მოსულა. და მოგებაც შეიძლება.

"ლიგაშისი" წინა ტურნირზე, ლენ ტროფიზე ლეგიონერებით და ჩომახიძესთან ერთად იყო. იქ მოსაგები მოვიგეთ და შემდეგი დონეც ავითვისეთ. მერე უკეთესი გუნდები იყო და ქართული კლუბი ფლვი ოფში ვერ გავიდა. ჩვენთან ერთად, თბილისში ოლიმპიური ჩემპიონების "ჰონვედი" და იტალიელი კრიმინალების "პოზილიპო" იყვნენ. "ჰონვედმა" დაგლიჯა, მუჰამედ ალივით დაყარა ყველა იტალიელების გარდა და "პოზილიპომ" ჯგუფი მოიგო. გადახსნა "ჰონვედიც" და იტალიელების ვარსკვლავი, ვალენტინო გალო ჩვენი ტურნირის პირველი კაცი იყო. მაშინ სხვა დონეზე ვიყავით. ჩვენთან ერთად "მარსელიც" იყო და საფრანგეთიდან სოლიდური ხალხი ჩამოვიდა. ჩემპიონთა ლიგაზე უფრო სუსტი ჯგუფიდან და სუსტი სპარინგებით გავვიდით. ჩომახიძე მაშინ თამაშობდა და დღეს, რეზო მთავარი მწვრთნელია. ასისტენტი ნოდარ ჩხარტიშვილია.

"საბადელთან", "ვიტებსკთან" და "არკონიასთან" "ლიგაშისი" იყო - ზურაბ ჭუმბურიძე (მეკარე), ბექა კაპანაძე (მეკარე), ბექა ქენქაძე, ლევან ჩიქვინიძე, ალექსანდრე რუსიშვილი, გივი სულაძე, ტატო ნიკოლეიშვილი, კონსტანტინე გეგელაშვილი, ზურაბ რურუა (კაპიტანი), მიხეილ ბალათურია, გიორგი ხვედელიანი, ალექსანდრე ურუშაძე და ლიდერი, გალაქტიონ ლაითაძე. გალამ სერიოზულად ითამაშა. ფორმაშია, არ იღლებოდა. ლაითაძემ მოუმატა და ჩემპიონთა ლიგის ძირითად ეტაპზე უნდა შეუბეროს.

"ლიგაშისმა" ჩემპიონთა ლიგის საკვალიფიკაციო რაუნდი მოიგო. უნდა მოეგო და მოიგო. "ლიგაშისი" დანარჩენებზე ანყობილი, გუნდური გუნდი იყო. "ლიგაშისის" მთავარი მწვრთნელი რეზო ჩომახიძეა და გუნდის ლიდერი რეზოს ძმაკაცი, გალაქტიონ ლაითაძეა. რომელიც ჯერ სვლაზეა და რესპექტაბელურად აკეთებს ყველაფერს. ჩომახიძე ამ გუნდის მთავარი მწვრთნელი და კლასია. ლაითაძე ელეგანტურად აკეთებს საქმეს. ზურა რურუამ შეცდომების გარეშე, რაფინირებულად შეუბერა და პირველ თამაშში, "არკონიასთან" გეგელაშვილმა ხუთი გოლი აკრიფა. გეგელაშვილიც ფორმაში იყო. ტატო ნიკოლეიშვილმა რალაც ეპიზოდებში ბევრი გააკეთა და მიხეილ ბალათურია ლიდერობდა. მომენტებში ლიდერობდა და ბალათურია აუცილებელი ელემენტია.

ჩემპიონთა ლიგა წყალბურთშიც ჩემპიონთა ლიგაა. ტურნირით ცოტა მეტი პერსონები რომ დაინტერესებულიყვნენ, ცუდი არ იქნებოდა. ბიჭებმა ყურადღება დაიმსახურეს. მართლა დაიმსახურეს. ლტოლვით, მონდომებით და შედეგით.

როგორც უკვე ჩამოვყარეთ, "ლიგაშისი" ჩემპიონთა ლიგის ძირითად ამბებში ჩაჯდა. საინტერესო გუნდი საინტერესო ტურნირში ათ თამაშში გაიტესტება. საქართველო ჩემპიონთა ლიგის ფორმატში ნორმალური გუნდით შევიდა და იდეაში, რალაც დონემდე უნდა გაქაჩოს.

ვერ ვქაჩავთ გულშემატკივრობის ამბავში და ეს ჩვეულებრივი თემაა. თითქმის ვერასდროს ვერ ვქაჩავთ. წყალბურთში უკვე გავქაჩეთ. "ლიგაშისი" რეალურად კარგი გუნდია. და უკეთეს გულშემატკივრებს იმსახურებს. ეს თემა გამოსასწორებელია.

# დარასელიამ დახიუტი "დინამოს" დამარცხებით აღნიშნა

გაიმართა საქართველოს ეროვნული ჩემპიონატის მორიგი მეხუთე ტურის მატჩები, რომელთა შორის ცენტრალური გორში "თენგიზ ბურჯანაძის" სტადიონზე შედგა. ევროტურნირებ მოვლილმა "დილამ" საკუთარ მინდორზე თბილისის "დინამოს" უმასპინძლა და ანგარიშით 2:0 იმარჯვა.

ალსანიშნავია, რომ მიმდინარე სეზონში ეს "დილას" პირველი გამარჯვებაა და "დინამოს" პირველი მარცხი. შეგახსენებთ, რომ თამაშის წინ გორულმა გუნდმა მწვრთნელი შეიცვალა. "დილას" მთავარი მწვრთნელის თანამდებობაზე ისრაელიდან საქართველოში დაბრუნებული გიორგი დარასელია დაინიშნა და მან საკუთარი დებიუტი უაღრესად მნიშვნელოვანი გამარჯვებით აღნიშნა. მოკლედ, დარასელიას სადებიუტო გამარჯვება "დინამოს" მთავარი მწვრთნელის დუშან უპრინ უმცროსის პირველ ქართულ მარცხს დაემთხვა.

თამაში საოცრად დაძაბული გამოდგა, "დინამოს", რომელიც აქამდე დაუმარცხებლად ასპარეზობდა შემტევი სტილის თამაში აშკარად არ გამოუვიდა და ეს პირველ რიგში გორელთა დაცვისა და მეკარის დამსახურებაა, თუმცა პირველ ტაიმში დინამოელებმა სტანდარტიდან გოლის გატანა მაინც შეძლეს, მაგრამ მსაჯმა თამაშგარე დააფიქსირა.

მატჩი მეტწილად თანაბარ ბრძოლაში მიმდინარეობდა და ყველაფერი შეხვედრის დასრულებამდე თხუთმეტით აღწევდა. ტრავმირებული ლორიას ნაცვლად "დინამოს" კარში მდგარმა სეფიაშვილმა მთელი მატჩი კარგად ჩაატარა, თუმცა პირველივე მისი შეცდომა გორელთა გოლით დასრულდა. "დინამოს" კიბერმა კახელიშვილის დარტყმული ისე მოიგერია, რომ ბურთი პირდაპირ მოდებამეს მიუვიდა, რომელმაც ახლო მანძილიდან ბურთი კარს არ ააცივინა.

მატჩის დასრულებამდე ოთხ წუთში კი დინამოელებმა საკუთარ საჯარიმოში გურული მოცელეს და პენალტი გოლად თავად დაზარალებულმა აქცია.

**დუშან უპრინი:** "გორში რომ მოვიდოდით, ვიცოდით, რომ ძლიერი მეტოქის წინააღმდეგ მოგვინებდა თამაში. პირ-



ველ ნახევარში გოლი გავიტანეთ, რომელიც მსაჯის გადაწყვეტილებით გაუქმდა - არ ვიცი იყო, თუ არა თამაშგარე მდგომარეობა, ამაზე კომენტარს ვერ გააკეთებ. მეორე ტაიმში დინამოელებს კონცენტრაციის ნაკლებობა დაეტყობა, რის გამოსწორებაზეც სამომავლოდ აუცილებლად ვიმუშავებთ. "დილასთან" მომდევნო წრეშიც მოგვინებეს თამაში და აუცილებლად გამარჯვების მოპოვებას ვეცდებით.

**გიორგი დარასელია:** "დღეს "დილამ" მიმდინარე სეზონში გორის განახლებულ სტადიონზე პირველი საშინაო თამაში გამართა. დღევანდელ თამაშზე გულმემატივარც მოვიდა და ყველა-

ფერი იყო იმისთვის, რომ ჩვენ გამარჯვებისთვის მიგვეღწია. იღბალი და სათამაშო უპირატესობაც ჩვენს მხარეს იყო და საბოლოოდ გავიმარჯვეთ".

რაც შეეხება ტურის სხვა მატჩებს, ქუთაისის "ტორპედომ" "მერანი" ანგარიშით 4:0 გაანადგურა, გორში "დინამოს" ნაფორხილებით ისარგებლა და სატურნირო ცხრილს სათავეში ჩაუდგა. ტურის დანარჩენი მატჩები კი ასე დასრულდა:

კოლხეთი - ზესტაფონი.....0:2	ვით ჯორჯია - ზუგდიდი .....0:0
ჩიხურა - სიონი .....2:1	დინამო (ბათუმი) - მეტალურგი .....0:2
1.ტორპედო.....5 4 0 1 12-3 12	2.დინამო (თბ).....5 4 0 1 12-4 12

3.ჩიხურა.....5 4 0 1 8-4 12	4.მეტალურგი.....5 3 0 2 4-5 9
5.ზესტაფონი.....5 2 1 2 5-3 7	6.სიონი.....5 1 3 1 7-7 6
7.ზუგდიდი.....5 1 3 1 3-2 6	8.მერანი.....5 2 0 3 3-8 6
9.ვით ჯორჯია.....5 1 2 2 3-6 5	10.დილა.....5 1 1 3 6-7 4
11.დინამო (ბთ).....5 0 2 3 2-9 2	12.კოლხეთი.....5 0 2 3 1-10 2

**ბომბარდირები:**  
4 - ჯაბა დვალა ("დინამო"), რევაზ ჯიქია ("სიონი")  
3 - ალვარო ("დინამო" თბილისი), დავით ოდიკაძე ("ჩიხურა", 1 პენ), დიმიტრი ტატანაშვილი ("მეტალურგი")

## ქართველი იტალიელები კარბად იწყებენ

სულ ცოტაც და სტარტს აიღებს იტალიური საკალათბურთო სერია A. მოგეხსენებათ იტალიის ჩემპიონატისადმი ჩვენი ინტერესი საკმაოდ დიდია. საუკეთესო აპენინურ გუნდში ამ სეზონში საქართველოს ნაკრების ერთ-ერთი ლიდერი ვიქტორ სანიკიძე გადავიდა, ხოლო ეროვნული ნაკრების ვიცე კაპიტანი მანუჩარ მარკოშვილი "კანტუსი" თამაშობს. ამჯერად სწორედ ამ ორი გუნდის წინასასეზონო მზადებაზე გესაუბრებით,

სანიკიძის "სიენამ" უკვე ორი მატჩის გამართვა მოასწრო. იტალიურმა გრანდმა ჯერ ლუბლიანის "ოლიმპია" დაამარცხა, შემდეგ კი ევროლიგის მოქმედ გამარჯვებულ ბერძნულ "ოლიმპიაკოსთან" დამარცხდა.

ვიქტორ სანიკიძის "სიენური" დებიუტი კალიარის ტურნირზე შედგა და ქართველმა ფორვარდმა მოედანი 7 ქულით დატოვა. სიენელების მეტოქე ლიუბლიანის "ოლიმპია" იყო, რომელიც სანიკიძის გუნდმა 70:51 გაანადგურა.

პირველი ტაიმის შემდეგ "მონტეპასკი" სლოვენის საუკეთესო კლუბს მხოლოდ 4 ქულით უგებდა, დარჩენილ დროში კი იტალიური გრანდის უპირატესობა უფრო აშკარა გახდა. სიენელთა რიგებში 10-ქულიან ზღვარს სამი კალათბურთელი გადასცდა. მოსმა 16 ქულა მიითვალა, ბრაუნმა - 14, კაშუნმა - 12.

კალიარის საერთაშორისო ტურნირზე მეორე მატჩში "მონტეპასკი" "ოლიმპიაკოსს" დაუპირისპირდა და ანგარიშით 67:71 დამარცხდა. ამჯერად "ვიკას" მონაგარი უფრო სერიოზული იყო. სანიკიძემ ევროპის საუკეთესო გუნდს 12 ქულა ჩაუგდო და თავის შემადგენლობაში ერთ-ერთი საუკეთესო იყო. ალსანიშნავია, რომ ვიკა ორივე გუნდში ერთ-ერთი ყველაზე შედეგიანი გამოდგა. "სიენაში" მას მხოლოდ ამერიკელმა გამათამაშებელმა ბობი



"კანტუს" თავაკაძე ანდრეა ტრინიკიერი "მანუს" დარიგებებს აძლევს

ბრაუნმა აჯობა, რომელმაც 14 ქულა დააგროვა, ხოლო "ოლიმპიაკოსის" რიგებიდან ყველაზე შედეგიანი ასევე 14 ქულით მარკოშვილი იყო.

რაც შეეხება მარკოშვილის "კანტუსს" ამ გუნდმა "ჩიტა დი კაორლეს" ტურნირი მოიგო და ცნობილი იტალიელი კალათბურთელის, ენცო ლეფებრეს თასს დაეუფლა.

ორდღიან ტურნირში 4 გუნდი მონაწილეობდა - მილანის "ემპორიო არ-

მანი", "ვირტუს ბოლონია", "ნიუ იორკერ ფანტომსი" და "კანტუს". მარკოშვილის გუნდმა ნახევარფინალში ნიუ იორკელები 89:79 დაამარცხა. ქართველმა ფორვარდმა 3-დან 3 ორქულიანი ჩააგდო, რასაც 1 საჯარიმოც მიამატა და საბოლოოდ 7 ქულა დააგროვა. მატჩის ბომბარდირი ნიკოლას მაცარიონო გახდა 20 ქულით.

ფინალურ მატჩში კანტუელები ვიქტორ სანიკიძის ყოფილ გუნდ "ვირ-

ტუსს" შეხვდნენ, რომელიც დაძაბულ ბრძოლაში - 73:71 დაამარცხეს. ქართველმა უკანახაზელმა ამჯერად 12 ქულა მოინაგრა. მარკოშვილმა 6-დან 3 ორქულიანი და 7-დან 2 სამიანი ჩააგდო. კანტუელთაგან საუკეთესო ჯერი სმიტმა მანუჩარზე 3-ით მეტი, 15 ქულა მიითვალა საკუთარ ანგარიშზე.

სერია A 2 ოქტომბერს იწყება, რომლის პირველ ტურშიც კანტუელები "ვენეციას" დაუპირისპირდებიან.

### დელ პიერო სიდნეიმი ჩავიდა

ლეგენდარული იტალიელი ფეხბურთელი ალესანდრო დელ პიერო ოჯახთან ერთად ავსტრალიას ეწვია, სადაც უახლოესი ორი წლის განმავლობაში საფეხბურთო კლუბ "სიდნეიმი" ითამაშებს. სიდნეის აეროპორტში იტალიის ნაკრებისა და "იუვენტუსის" ვარსკვლავს 500-დე ქომაგი დახვდა. 37 წლის ფეხბურთელმა ჯერ ავტოგრაფები დაარიგა, შემდეგ კი განაცხადა: "აქ კარიერის დასასრულვლად არ ჩამოვსულვარ, აქ ჩემი ცხოვრების ახალი ეტაპი იწყება. ვინ არის დელ პიერო დღეს? ადამიანი, რომელმაც ცხოვრების უმნიშვნელოვანესი გადაწყვეტილება მიიღო. კარდინალური ცვლილებები არასდროს მიყვარდა, თუმცა გადაწყვეტილება მივიღე და საჭირო დროს საჭირო ადგილას აღმოვჩნდი. განვიცდი თუ არა ნოსტალგიას? დიახ, მე ხომ 19 წლის განმავლობაში ვიყავი "იუვენტუსის" ნაწილი. ფანები დღესაც კი მღერიან ჩემს სახელს და მე წარსულს ვისხენებ. დიახ ნოსტალგია არსებობს, თუმცა ახლა უფრო მეტად ახალ გამოწვევებზე ვფიქრობ".

### მოურიჩიომ გუნდი არ მყავსო

ესპანეთის ჩემპიონატში უკვე მეოთხე ტურის მატჩები გაიმართა და "რეალმა" მეორე თამაშის წაგება მოახერხა. ამჯერად, "სამეფო კლუბი" "სევილიასთან" გასვლით შეხვედრაში ანგარიშით 0:1 დამარცხდა. დღეისთვის არსებული ვითარებით "რეალი" ესპანეთის ჩემპიონატის ერთპიროვნულ ლიდერ "ბარსელონას" უკვე 8 ქულით ჩამორჩება და მიუხედავად იმისა, რომ სეზონი მხოლოდ ახლა იწყება, მთავარი კონკურენტისთვის რვაქულიანი ჰანდიკაპის მიცემა დიდი ფუფუნებაა. მორიგი მარცხით განაწყენებულმა მოურიჩიომ კი ღიად განაცხადა, რომ მას გუნდი არ მყავს. ამკარა, რომ "სამეფო კლუბში" რაღაც პრობლემებია და ამაზე ჯერჯერობით ბოლომდე არ საუბრობენ.

"სევილიამ" გამარჯვება დაიმსახურა, ჩვენ კი მარცხი. სამწუხაროდ, ამ მომენტისთვის, გუნდი არ მყავს. შესვენებაზე ორი ცვლილება გავაკეთე, მაგრამ შეიძლება ფეხბურთელის გამოცვლა მსურდეს. სევილიელები ყველა ბურთისთვის ბოლომდე იბრძოდნენ და ისე ირჯებოდნენ, თითქოს მათ ცხოვრებაში უკანასკნელი მატჩი იყო. ასე, ჩემი ფეხბურთელები მხოლოდ "ბარსელონას" წინააღმდეგ თამაშობენ. სულ ესაა. რაც შეეხება დღევანდელ თამაშს, იგი არაფრით განსხვავდებოდა, არც "ხეტაფესთან" გამართული მატჩისგან და არც "გრანადასთან". უკანასკნელი ორი კვირის განმავლობაში არაფერი არ შეცვლილა. მიამჩნია, რომ "რეალში" გუნდური სულისკვეთება მოიკოჭლებს", - ციტირებს მოურიჩიოს სიტყვებს AS-ი.

### "ბარსელონა" ვალდებულია "სპარტაკი" დაამარცხოს

ესპანეთის ჩემპიონატის მორიგ ტურში "ბარსელონამ" ანგარიშით 4:1 "ხეტაფეს" გაანადგურა და ჩემპიონთა ლიგის ჯგუფური ეტაპის პირველ მატჩს კარგი განწყობით ხვდება. შეგახსენებთ, "ბარსა" მიმდინარე სეზონში ჩემპიონთა ლიგას 19 სექტემბერს მოსკოვის "სპარტაკთან" მატჩით იწყებს. "ხეტაფეს" დამარცხების შემდეგ კატალონიელთა ლიდერმა ჩავიმ განაცხადა: "ხეტაფესთან" გასვლაზე თამაში იოლი არასდროს არაა, ამიტომაც ამ შედეგით უნდა ვიამაყოთ. ახლა უკვე "სპარტაკთან" მატჩზე გვმართებს სრული კონცენტრირება. მოტივაციასთან დაკავშირებული პრობლემები არ არსებობს, ჩვენ უბრალოდ ვალდებულები ვართ ჩემპიონთა ლიგა გამარჯვებით დავინსოთ".

### სკოლარის გული ინგლისისკენ მიუწევს

"პალმეირასიდან" ახლახან გაგდებული ბრაზილიელი სპეციალისტი ლუიშ ფელიპე სკოლარი აცხადებს, რომ კარიერის გაგრძელება ინგლისში სურს. მოგეხსენებათ, ბრაზილიელ სპეციალისტს ლონდონის "ჩელსიში" 7 თვე აქვს ნამუშევარი.

"დაბრუნების შანსი რომ მექონდეს, არც კი დავფიქრებდი. ინგლისის პრემიერლიგა მსოფლიოში საუკეთესოა. დარწმუნებული ვარ, ნისლიან ალბიონზე რომ დავბრუნდებ, ყველაფერი გამოივა. ვფიქრობ, ბრაზილიურ სტილს ინგლისურს კარგად შევუწყობ." - ამბობს მწვრთნელი, რომელმაც 2002 წელს ბრაზილიის ნაკრებს მსოფლიო ჩემპიონის ტიტული მოაგვებინა.

# ჩავეს-უმცროსი მამის თვალნიც დამარცხდა

გიგა ბურასაშვილი

სახელოვანი მამის ლეგენდარული ჯეი სის (ასე მოიხსენიებდნენ ხულო სეზარ ჩავესს), ღირსეულ მემკვიდრედ მიჩნეულმა ხულო სეზარ ჩავეს-უმცროსმა ლას ვეგასის Thomas & Mack Center-ის რინგზე, მამის და 19,186 მოსიერის თვალნიც, რომელთა უმრავლესობაც ჩავესს სკანდირებდა, საშუალო წონაში კრივის მსოფლიო საბჭოს (WBC) საჩემპიონო ქამარი არგენტინელ სერხიო მარტინესთან დაკარგა. მარტინესი მექსიკელზე სრული 12 რაუნდი დომინირებდა, თუ არ ჩავთვლით ბოლო რაუნდს, როდესაც ნოკდაუნი იგემა.

საბჭოსვე ბრილიანტის საჩემპიონო ქამრის მფლობელმა 37 წლის არგენტინელმა ამავე ორგანიზაციის მსოფლიო ჩემპიონის ტიტული მოქმედ ჩემპიონ ხულო სეზარ ჩავეს-უმცროსთან ჩხუბში მსაჯთა დათვლებით დაისაკუთრა.

მექსიკელთან ორთაბრძოლაში არგენტინელმა მისი ასაკის გათვალისწინებით (სპორტული საზოგადოებით) შესაშური ფიზიკური მომზადება გამოავლინა. დაღლა მხოლოდ ორთაბრძოლის ბოლოსკენ დაეტყო, რამაც ლეგენდარული მამის შვილი გაათამაშა მასზე მოუოვევინა უპირატესობა, მაგრამ ამგვარ მცდელობას მაინც რალაც დააკლო.

...ჩხუბის დასაწყისში ჩავეს-უმცროსი მარტინესზე უპირატესობის მოპოვებას შეეცადა, მაგრამ არგენტინელი შეუვალი აღმოჩნდა. მომავალმა ჩემპიონმა ფუნქციონალური მომზადების წყალობით 11 წლით უმცროს მექსიკელს აჯობა - სწრაფი შეტევების სერიამ მექსიკელს გასაქანი არ მისცა.

მოვლენათა ასეთი განვითარება მოქმედ ჩემპიონს კარგს არაფერს უქადდა. აშკარა იყო მსაჯების გამარჯვებას მარტინეს მიაკუთვნებდნენ. ამიტომაც ერთადერთი გამოსავალი ინიციატივის ხელში აღება იყო, რასაც მეექვსე რაუნდიდან მოყოლებული შეეცადა კიდევ და თავსა და კორპუსში ძლიერი დარტყმებით გარკვეულწილად ჩხუბში გარდატეხაც შეიტანა, მაგრამ ამგვარი აღმაფრე-



მარტინესმა ნოკდაუნი იგემა და ჩემპიონობა იზეიმა

ნა დროებითი აღმოჩნდა. რაუნდის ბოლოს არცთუ ცუდი კომბინაციის წყალობით არგენტინელის გრძელმა მკლავებმა მექსიკელს იმედები გაუქარწყლა. მომდევნო რაუნდში კი უკვე რინგის სრულ ბატონ-პატრონად გარდაიქმნა.

ჩავეს-უმცროსი რაუნდის დასრულებამდე წუთნახევრით ადრე კარგი შეტევის განხორციელებას შეეცადა, მაგრამ მეტოქისგან ისეთი ხურდა მიიღო, რომ განზრახვისგან ხელის აღება მოუხდა. არასაკმარისი აღმოჩნდა მერვე რა-

უნდში გარდატეხის შეტანის მცდელობაც.

მეცხრე რაუნდიც მარტინესის კონტროლით წარმართა, თუმცა, გახეთქილი წარბით უნებდა ჩხუბი. მართალია, არგენტინელი საწყისი რაუნდებში წამოწყებულ ტემპს ვეღარ უძლებდა, მაგრამ ამის მიუხედავად მეტოქეზე უპირატესობას ინარჩუნებდა - მექსიკელს შეტევების მომზადების საშუალებას არ აძლევდა. პრინციპში, ჩავეს-უმცროსიც აღარ მიმართავდა პრესინგს. მხოლოდ

ბოლოსწინა რაუნდის შუაწელიდან შეძლო მარტინესისთვის ძლიერი დარტყმების მიყენება, მაგრამ არც ეს აღმოჩნდა საკმარისი. ჩავესს ერთადერთ იმედად ნოკაუტი რჩებოდა...

დასკვნითი რაუნდის ბოლო წუთმა ლამის ყველაფერი თავდაყირა დააყენა - მექსიკელმა მარტინესის დაცვა გაარღვია და მეტოქე ნოკდაუნში ჩააგდო. და მაინც, ტიტულის მოცილე არგენტინელმა წამოდგომა და ორთაბრძოლის გაგრძელება შეძლო. ჩავეს-უმცროსი გათამა-

მებული შეტევაზე გადავიდა, მაგრამ ფინალური გონგის ხმამდე მარტინესის (50 მოგება, აქედან 28 ნოკაუტით, 2 ნაგება და ორიც ფრე) მეორედ ნაქცევა ვეღარ მოახერხა. წარმატებული მეორემეტე რაუნდი კი საკმარისი არ აღმოჩნდა სახელოვანი მამის შვილისთვის ტიტულის შესანარჩუნებლად. სამივე მსაჯის დათვლით 110-117, 109-118, 109-118 ჩავეს-უმცროსმა (46 მოგება, აქედან 32 ნოკაუტით, 1 ნაგება და ერთიც ფრე) საბჭოს ქამარი დაკარგა.

## გამომცემლობა **ინტელექტი** გთავაზობთ

## ერთი შედეგის ყველა ქართული თარგმანი

მსოფლიო კლასიკოსები და ქართველი მთარგმნელები  
შედეგების თარგმნის უწყვეტი ტრადიცია



დაგვიკავშირდით:  
თბილისი,  
ილია ჭავჭავაძის გამზ. N5  
ტელ: (+995 32) 2 25 05 22  
(+995 32) 2 47 55 54  
intelekti@caucasus.net  
info@intelekti.ge  
www.intelekti.ge  
www.intelekti.ge

